



扶輪新集第七卷目錄

七古二

杜濬 憶昔行

秋夜集真冷堂放歌行

紫苔山房醉歌行

錢棻 讀坦公先生五集詩賦贈

翁人龍 見負擔者自婺越嶺感而作歌

謝良琦 明鏡歌

王弘撰 丘如磐吳嵩三冒雪叙別

東蔭商 捉十 烏棲曲 沙井驛行

都中七子歌



韓詩 悲平城

西門行

河上

採

堵景濂

角歌

王鳴雷

鞦韆詞

蠶婦詞

石瀨吏

程可則

隔苑將軍梨園歌

題金公綯歷

游圖

祝王欽文年伯五十雙壽

徐騰蛟

西山行

寄壽吳康侯

贈別胡彥遠

贈姜侍御巡隄淮揚

鄧廷羅

行軍建陽道上霧霽

重造漳州郡城

陸舜

送秋浦姬南歸詩

雷經

仲春集何芝函宅予以夜直不獲稽署中偶成

吳綺

青山下望黃將軍墓道

送唐髯孫

趙而忭

送田髯淵歸雲間

劉醇驥

觀象臺歌

許珖

放歌行

葉襄

鮒魚歌

尤侗

打鬧行

張炳璿

地鷓揚

程先貞

冰山歌

劉孔和

南村觀打麥

十一月二十五日雪

丘石常 山夜放歌

徐 緘 芭蕉聽雨吟懷施愚山學憲

侯方域 山客樂

董漢策 雨花臺 巢雲館聽松

沈胤范 君馬黃 明月篇

毛奇齡 又鞦韆詞

鄧漢儀 樟樹行

張賁孫 宿吳震蕩村

徐 夜 早聞

蘇本眉 報國寺古松歌

錢秉鐙 姑山草堂歌

車以遵 王介公采松石行

魏晉封 王前

何亮功 折楊柳

于覺世 洗象行和王貽上

陳祚明 投贈王敬哉 皇姑行 訓方爾止

燕山遙哭二小姪

周 容 丙申閏月晉陽寄懷固菴

方育盛 晤光漢白 河夫嘆 陳夔行

曹子顧雪中見過惠詩賦答 呈黃夫子

程封

雨中尋武昌沿江諸石刻

從軍行

喜晤心甫于長安邸中放筆作歌

梅磊

冬夜林茂之先輩過宿

雨中錢馭少

見過小酌 邀蔡大美高夢姑食魚膾歌

韓畱夜

馬之驕

慈仁寺觀松

范勳

大理石屏風歌

王儻

泛大明湖待月

張璵若

淮陰侯釣臺歌

孫寶侗

酬家四兄

林子襄

送顧見山

汾曲歌贈黃薛侯大行

黃運泰

歌風臺行

凌泉

甲戌迎春日寒甚呵筆成歌

米漢雯

送徐次履還宣城

賈國璵

酌突泉

許旭

送別林衡者歸閩

王昊

兵船行

王嗣槐

寓河北擬同谷七歌

又

陳晉明

壽黃勛菴尊人八十

陳維崧

報恩寺塔燈歌

顧景文 友人以明妃夢長歌見示率爾答之

吳南岳 織婦嘆

宋思玉 烏生八九子

釋函可 大僧行

釋僧依 楷生秋擬南歸過湖上而止 述嘲

王端淑 苦難行

扶輪新集第七卷目錄終

扶輪新集第七卷

七古三

杜濬 初集

○憶昔行爲周農父五十

錫山 黃傳祖心甫 全選

陸朝瑛石齋

憶昔丁丑戊寅間龍眠四子吾膠漆朝宴朱樓暮畫船五  
更分手晨促盃顛狂翫愛人怒罵放達何知俗禮法先輩  
具眼范與馮負公鄴仙獨識吾儕飽經術致君期上黃金  
殿乘時合奮青雲翮當時利鈍雖已異猶謂飛騰有遲疾

誰知轉眼十九年。納納乾坤風雨隔。吳生掉臂學庾信。克  
 咸捐軀過猛烈。密之披緇事獨完。濬也羈旅窮。見骨農父  
 出處不磷淄。此子姓字詳見荏冉今冬年。半百嗟余五人  
 齒略齊。向背升沈胡不一。眼中次第無壯夫。杜叟方僧四  
 十七。丈夫偏彊寸心在。那計區區頭髮白。艱難曾佐文丞  
 相。砥礪長懷蘇屬國。尋常伏匿何足數。予汝藏珍匪藏拙。  
名貴句。只不許此外藉口。聞道新來頗讀易。天山地水尤心畫。壽補蹉  
 跎古有言。安知九十無勛業。故人為壽與眾殊。請君試問  
 馱藥客。馱藥客密之別號注

○秋夜集真冷堂放歌行限韻

杜陵老翁城北住。悠悠日赴城南酌。太學坊來武定橋。十  
 里計程猶大略。亂離一身今總廢。磨鍊英雄獨雙脚。老蒼  
摹擬自是依依為故人。誰云逐逐因狂藥。紀生於我好兄

弟。周處臺邊跡未削。不第河魚感刻骨。每有精饌邀我嚼。

窮途歡會詎偶然。昨日柴門噪乾鵲。佳醞居然箕穎潔。酷  
 令何妨桀紂虐。草堂細雨又一時。登臨幾得諧夙約。座中

肥水為長句。快鵲驚傳猛虎攫。徐余素稱能鬪捷。此夕含  
 毫情落落。几谷杓司雉。坐眠慘淡經營俱。有託孝緒詩。駟

轟若雷。餘響殷殷掃秋籜。忽然瞠目還一醒。險韻沉吟原  
 不錯。歷叙八人。不得一辭。髯公老健來公少。致殊足知兩

隔任平原。那起嗟哉。髯公老健來公少。致殊足知兩

家作數顧中厨勞主人彩筆今宵固應閣老夫端坐味所  
為飲淡何雄才力薄人生定分安可易水中之鳧雲上鶴  
嗟余坎坷歷壯年憂患薰心氣蕭索姓字翻愁掛齒牙遭  
逢不及填溝壑壯諸公燕婉各自矜顧我空閨已非昨感  
深塼塊轉欲澆酒漿總多腔血涸况聞我公卜行急荒原  
誰復憐飛藿閉戶寧知關塞情咫尺馬蹄動城郭自抒已  
狗人詩詩成把手還再論此事專求寸心諾古來作者意  
何如回首晨鐘在寥廓

○紫苔山房醉歌行呈菊溪先生 有序

丁酉九月十三夜許菊溪先生招同孝升龔先生于一

王子伯紫紀子澹心余子讌於紫苔山房秋月孤高賓  
主不雜醪醴珍錯一登玄賞濬既私幸茲會邇年罕邁  
兼慮來哲無繇得知故不揣謏劣記其梗槩至此歌之  
傳不傳卽濬固不得而知也

秋月以來今夜明西城樓頭傳二更紫苔山房煙細生琴  
書皎皎爭晝晴菊溪先生好客誠玉椀酒白如未盛味深  
香遠格有情舉酒屬我命酒名逡巡不敢顏已賴盤餐絡  
繹絕世精倉猝不識勞我晴持箸把玩詢魚烹庖人那得  
專其成冷炙殘杯遭際可憫後來者居上矣不數象白駝蹄羹犀皮一出人  
皆驚晨鳧霜鷄徒熒熒湯色綺散芳新橙炬妝酥膩着齒



輕。苴。菘。酸。綠。質。不。呈。可。憐。湫。滌。蘿。芥。英。半。酣。起。入。月。中。行。  
 移。菊。就。月。黃。擘。嶸。月。中。洗。盞。酒。再。傾。炤。耀。宣。瓷。同。白。珩。成。  
 窰。嘉。窰。難。弟。兄。嘲。哂。犀。玉。猶。編。氓。復。有。古。觶。含。商。聲。時。器。  
 不。使。居。盆。罌。看他不同看叙借繁。肴。既。闕。寒。羞。盈。珍。果。萬。  
 選。不。恐。擊。張。梨。安。棗。殊。甚。平。星。沸。華。錯。五。色。瓊。吾。醉。矣。不。  
 能。細。評。左。顧。童。子。持。巨。觥。先。生。咲。謂。聊。解。醒。其。時。天。月。爲。  
 一。泓。飛。丹。流。液。撲。軒。楹。呼。兒。滅。燭。游。玉。京。髣。髴。實。有。空。中。  
 笙。重複入月四句他人不敢上。客。歌。終。已。復。賡。淝。水。之。捷。真。奇。兵。內。鄉。  
 意。匠。方。經。營。側。耳。已。似。聞。韶。諷。轟。飲。更。掣。碧。海。鯨。既。醉。且。  
 飽。腹。彭。亨。霜。蔬。旋。點。蘭。蕙。榮。四。座。飲。啜。甘。金。莖。振。衣。濯。足。

視。八。紘。孰。比。此。會。蓬。與。瀛。令。我。樂。極。忘。飄。萍。杲。杲。日。出。雞。  
 三。鳴。門。外。羽。書。何。縱。橫。

錢茶 初集

○讀坦公先生五集詩賦贈

天。中。嵩。少。奠。鼇。極。河。嶽。英。靈。收。不。得。建。安。才。子。擅。風。流。文。  
 章。自。此。奪。顏。色。開。元。以。來。九。百。載。岑。參。元。結。頗。突。兀。談詩家及  
空詞而止仲芳前。朝。北。地。起。衰。功。賴。有。信。陽。爲。敵。國。近。來。  
屈強故不猶人雅。道。推。孟。津。新。鄉。司。馬。更。絕。塵。雕。鏤。萬。象。杳。無。跡。筆。破。千。  
 卷。如。有。神。餘。子。齷。齷。曷。足。數。詞。壇。對。壘。同。齊。秦。孟。津。騎。鶴。  
 上。浮。丘。司。馬。駁。歷。何。優。悠。相配說下宰。相。杜。棕。充。轉。運。司。  
彌見鄭重

徒王導領揚州東南財賦百萬地。薇省還勞借箸謀。示我一編光的樂。黃河挾天海倒流。轟雷掣電走空瀑。龍文螭篆霜皮綠。有時高歌蜀道難。有時慷慨秦庭哭。風雨彭衙泣杜鵑。白日空山叫鵝鷓。向來文獻推中原。今日重逢古建安。波流方逐狂瀾東。幸有千仞青芙蓉。天子卽今重風雅。行看追鋒之車指日下。

翁人龍

念吳襄陽人

○見負擔者自婺越嶺感而作歌

休○民○不○能○賴○休○疆○大○有○或○足○三○月○糧○牽○車○服○買○半○天○下○盜○賊○蹂○躪○早○凋○戕○宦徽者多矣。今日始聆此吟。剩有殘子非農非商擔肩

日響。犇走婺方。婺之五嶺高天際。陟降喘息氣旁皇。捍勞忍苦營此兩筐。强者庶幾石米來。弱者不過五斗強。爲男爲婦勉力競。將魚貫螳接頂背相望。問其糶糴贏幾何。升合之利我心傷。一往一來踰五日。朝朝莫莫率爲常。口腹何厚肩足薄。裹餽飲水僅相償。安得千倉與萬箱。潤此一邑之枯腸。爲語達官并長吏。何事聞休便冀其橐囊。菩薩心口。出自才人。生色詞壇萬倍。但願達官長吏知此苦。民亦勞止可小康。

謝良琦

仲韓獻菴全州人

○明鏡歌

揚州青銅冷如水。鑄成明鏡深閨裏。不照芙蓉鬪曉紅。不

照胭脂凝夜紫。芙蓉胭脂易銷歇。但照朱顏生白髮。音爽 聳聽  
 却是尋恒道埋。吳歛越袂方自憐。舞榭歌樓已無月。世人重色輕  
 恩愛。坐看盛衰成向背。妾容那得長如花。莫怪君心不能  
 耐。不怨君心怨明鏡。迴黃轉綠俱無定。記得當初初嫁時。  
 一泓秋水明。耀靚婉約 多風

王弘撰 文修 華州人

○舟將發丘如磐吳嵩三冒雪叙別慨焉作歌

出門乘小舟。雨雪霏霏戀沙磧。撰也獨立棹頭念別難。今  
 年春色還人倍。可惜於時丘子為國吳子珊。二子平生為  
 人磊。落心如石。冰清玉潤自翩翩。恨不逢時殺羽翮。左持

螯。右把醪。青鞋布襪衝泥塗。顛狂奔趨不勝笠。與革旁人  
 莫知自言江頭來。送天涯客。搔着 痛癢相見懷抱各依然。長笑  
 天地何迢迢。踏芳草臨廣陌。心目淵淵神采奕奕。酒星降  
 詩仙謫。憶秦關對楚澤。苦膺填幽憤。積舒青眼岸白幘。少  
 婦悲空房。君子怨行役。吾今與爾徒。何為山川悠遠勞。夙  
 昔合蓄 大雅大道誰家高樓樓。上琵琶聲聲如裂帛。况是青衫  
 途更窮。抱心如結不敢釋。談天浩蕩天心違。說劍縱橫劍  
 術厄。三光冥八垓。窄上瀧激下瀧。泝江有楓山有槭。鷓首  
 發柳苑夕美人。遙春無迹。絃急 枉促 送懷 綿邈欵乃空聞烟水寒。四  
 望如秋瑟瑟碧。

東陰商 廣集

○捉搦歌

旅穀生階葵覆井。輓轡汲水繫長綆。小兒對燈自怪影。老女臨嫁始醫瘕。

○烏棲曲

明星出東月落西。寒鷄伊喔烏亂啼。牛女兩星銀河岸。歲年年嘗相見也與。

○沙井驛行

黃沙捲地千里平。日暮風吹沒雙睛。驛夫堡卒皆掩袂。對面不見靈州城。道傍老兵向我指。邊地無日不如此。看淡。

消人 怨尤 我欲淨洗廬井塵。為爾西挽黃河水。

○都中七子歌

林宗簡素古人風。七十猶未成老翁。正始鴻詞振爾躬。伯觀侍直明光宮。青藜吐芒照夜紅。臨池揮翰氣若虹。過庭為兄君火攻。小有嶧山之孤桐。捎雲流雨身龍蹤。俊刻 渾疑逸才駘蕩凌高空。太白商隱稱並雄。叔度博物擅雕蟲。湖風托雅尋正宗。出門同人交有功。睚眦落落無三公。爾唯玄著闢鴻蒙。雲烟落紙晝杳濛。元氣淋漓泣天工。任俠結客燕市中。傾蓋片言肝膽同。雨公開眼小蒼穹。賦陵子雲駕太冲。聚散一朝何忽忽。涼秋俟汝蓮花峰。至此忽 變調堯夫踪。

抄車新集  
東隱商 韓詩  
跡江以東天長路阻思無窮蠢人便疑薄之欲句  
意相稱豈復成詩

韓詩 續集

○悲平城

日去急雨來緩柳聲秋塞鴻遠男兒不得志竹竿嫋嫋惟  
有婦人可免

○西門行

出西門步念之眼前無快境涕淚連而解一涕何從我意在  
孤松長眠者亦一時號為天下雄解二黃金危碧玉簪子夜  
樂無極散此千載歡解三東西南北中非復我思存盛筵難  
久立慶吊各在門解四我欲三山採神芝黃金解五  
中無所 著情悅難問

未成安可思我欲三山採神芝黃金未成安可思解五不如  
飲美酒快樂妃呼豨讀書一萬卷豈若軍中兒

○河上

河上種柳條河中傾柳梢柳條不肯老河水不肯小誰將  
柳條心報與老龍庭魚蝦半落漁人手何不驅魚塞瓠口  
寄憂危于嬉笑執熱 腸冷眼忍耐不過

○採榆

老婦笑騎枝上談少婦弄漿手插簪年年撲柴煮春色此  
物何可笑人貪字字恬 嬉可哀五穀種未熟賴爾滿江籃歸來麥  
飯含愁思柳眼徒輸媚曉嵐

堵景濂 廣集

○懷日觀歌

我所懷今日觀峰。置身萬仞賓日滄溟東。旭輪蒸淵拍海動。沸浴閃忽凌潮紅。海氣飛來億火樹。海身幻作群燭龍。少焉躍起數尋丈。若金支赤羽擁轂而升碧空。此時光明照九域。炳列萬象排鴻濛。歌卿雲兮旦復旦。霜圻夜國眼開忽與瑠璃同。快哉六宇再闢決眦而盪胸。再懷雪山西盡有日不知在天之幾千萬重。接荀意外實行樹以為國青芙蓉以為官四光熾然眾光合一境莫容諸境容恒曉不升落恒夏無秋冬曠然游我帝網無盡圓鏡中。設想迂誕然言之無罪

吁戲乎東方日觀日其夜長夜之日世內崇西方日觀日其晝長晝之日世外宗。名理透脫我懷與之俱無窮吁戲乎有觀欲懷無懷即觀。更透有懷無懷兩莫涉聊解衣箕踞于門前之千尺松

王鳴雷

震生南海人

○鞦韆詞

越州女兒嫩如水。髻貼花籠青鳳尾。十二紅裳釵梳洗。植立柳烟濃霧裏。朝來南陌五城東。交竿簌竹架高虹。子子掛繩青裊裊。張蓋身輕欲飛鳥。鬟釵無力結腰祓。魚列羅行觀之急再三。招手入碧雲。右轉左旋于眎立。七字可圖。正恐圖不

就。身高舉足人爭仰。閣閣默默不得上。画工東手矣。須臾釵墮。鬟亦低下。堵耻與平地。齊粉紅背。縮半臂。欲語不語。行復遲。處高爭勝不饒人。君看架上鞦韆輪。

○蠶婦詞

吳兒十五嫁蠶楹。外家紙上看蠶生。嚴姑遣令織作遲。三日一疋半。仍答一夜不起蠶。凍死綜膠。經脆斷絲。泉壁虫暗催機杼。矢劍動蘭膏。汗織指溪雲。洗染各色絲。織成十五五。壘八緡一斛。長槍粟點檢。絲官稅不足。書司曹佐坐機枋。須臾不得停。彷徨得情。荆州挑紋綾。戶女辛勤終老不嫁郎。吳兒卽不老。蠶房可憐。八繭獻君王。

○石瀨吏

投宿石瀨村。呼號聞嚴更。借問號者誰。縣帖夜點丁。丁民供幕廐。三夫兩肉屏。繫馬促之去。彷徨里婦情。一似夫君。豈但音與聲。封賜勲王賢。蕃馬四五千。開門飼水草。顴聳圓兩肩。平述中妙無。怨意怨乃深。養以甘露盤。飾以金鞞韉。昔歲歲未瘳。斗粟易百錢。今秋飯野禽。朝死道路邊。資糧旣乏盡。何以過荒年。一馬之肥。幾人瘦。天公嗔爾。將糠豆。西門都。厥養馬雌。東門司廐。養馬雄。雄者斑駁。雌者彤官。家養驢。化爲龍物。盈人。吳如旋風。胡爲額扣。閹九重。困若說不出。一句妙筆。

程可則

周量 南海人

○隔苑將軍梨園歌

林鴉歸來日欲暮。簾捲池塘半窗雨。錦城壓雲雲不行。隔苑梨園乍歌舞。遥遥子弟律呂聲。遥遥簫鼓調和鳴。想得珠簾金屋裏。兩坐春風相向生。春風生兮霧光起。羅縠熒煌貴公子。長髯短帽大將軍。手脫腰刀掛移匝。翻身轉入畫筵側。一字不鬆。碼碯觥傳琥珀液。鵝凰蜃蛤費萬錢。醉來呼月月不出。兩邊火樹照人紅。五色煙中騰赤龍。須臾酒盡歌舞歇。梵王宮裏鳴晨鐘。東隣老父聞致辭。此樂少年我空中樓閣。得之。空中樓閣。三京未陷紛華在。家家盡是長安兒。于今不似昇平會。玉宇金樞盡頽碎。青樓花底不見人。黑塵飛

煙迷玳瑁。何況今年。笳管吹城東。城北交旌旗。忽然午夜礮聲起。白頭黃口。皆淚垂。城頭鎮日多興作。出築登陴。民已瘼。君不見梨園隔苑。大將軍烽火叢中管絃樂。

○題金公絢歷游圖

先生東南號奇士。家住華山繡川水。少年讀書志挈雲。賦成不以獻天子。蓬海菱灣道路長。直泛天地板扶桑。鷗鵬九萬常快意。恥與斥鷃爭翱翔。一自煙塵起西北。挾策從軍破殘賊。豈知荆棘卧銅駝。海州夢老黃沙白。海州之上醫閭山。千巖萬壑非人間。君過石洞尋僧話。大笑芳阡騎犢還。芳阡石洞知何託。重入榆關事戎索。黑水黃河去復



同美人並嚮歡如昨六年兩上岳陽樓雙脚真翻鸚鵡洲  
 雲夢十吞九不足將挽楚水澆堯璠功成再踏長安道曾  
 幾何時又南討餘腥秋色下鄱陽夜折梅花度度嶠度嶠  
 當年征馬嘶越王臺北烏晝啼赤松未覓留侯在指揮隴  
 畝歸耘耔幾番出處彩筆組成一近來中土初休戰斗酒  
 文園日相見交鼓殊音催落花石琴軼響調歌扇回首風  
 塵二十年瑠戈鐵馬心茫然手提山川授絹素對眼萬里  
 生雲煙入題處着力濃人生役役等過客獨有勳華照今  
 昔誰家歷錄千黃金敵此丹青卷一尺君今未老髭尚黑  
 欲買松綾為君益要之萬卷不足盡繪君尚有麒麟閣勒

君尚有燕然石

○祝王欽文年伯五十雙壽

泰山峙日月大海浮其東齊魯之地不愛寶福澤獨與先  
 生崇先生家世盛太僕司馬司徒稱鼎足嗣聞方岳鎮西  
 湖復見豸冠侍黃屋紛紛七葉富簪纓青箱朱轂崢嶸且嶸  
 先生方伯之少子大有海內賢豪聲闕閱支派渾括賢豪  
 昔日推翁李先生文字皆知已射策由來天下才承恩暨  
 中明經第不難奮翼摩天衢其時方伯方圍居藍輦丘壑  
 實快意以茲閉戶惟庭除推其才因及其太君夫人德無  
 兩盃櫛饅飽事尊養月下同陳上壽卮花時並進扶鳩杖

人間此樂樂未央。蘭階四見真乘黃。伯兄季弟已騰蹕。餘子趨趨爭飛揚。賤子不才棄南海。萬里高山景行在。伯兄共籍金馬門。季弟亦奉珠盤會。不須孔李說通家。百年意氣敦天涯。先生我父母。我母世上交友徒。紛拏即今五十。邁雙壽。縮地無由但翹首。泰山有松海有籌。願與先生結悠久。阮亭歸去歡何如。舞衣畫錦紛離披。尊前更進一盃酒。為我猶子宣襟期。我亦南歸壽華髮。會當一語西樵知。

徐騰蛟續集

○西山行

薊門解鞍逢鄧子。握手便訂西山遊。乾餼約窮十日力。屈

拍連展王韓儔。千錢已買青州酒。百錢已僦紫韉騮。長安狂風拔地起。白晝隱隱昏雙眸。明朝風息呼鄧子。青州酒盡存空甌。山水有靈。一日之緣。亦不假借。待文人且如此。嗟乎西山向全盛。樓臺

橫亘岡陵侔。三春士女踏青出。雕鞍畫轂迷山陬。龍湫已枯絳栢死。陰崖積雪禽啾啾。狐狸夜哭前王塚。青燐耿耿明松楸。此行不果復何憾。徒洒血淚酬荒丘。強詞奪理。苦作解嘲。江

南祇今春色滿。桑畦柳陌藏鳴鳩。燕山人事知蕭瑟。行携舊笠登歸舟。寄言鄧子休乘輿。獨往西山無限愁。再一反掉有勢。

○寄壽吳康侯年伯是年與吳子同遊都門

我聞文端罷相歸。毘陵橐中檢點惟。百金冰花雪篆內府。

出歸給元老。娛丘休。喜稱前輩。厚道雅韻。公昔相國之冢子。磊落依

然草茅士。文端政府六七年。郡邑未曾遺片帑。連雲甲第

疑海深。赤足蒼頭應門耳。人家父兄樞要登。門前襍沓車

馬盈。滿堂食客伺顰笑。麾之不去如蒼蠅。先生折節親經

史。恥從恩澤躡青紫。燕臺三上策不收。姓名空懸乙榜頭。

公家闕闕同楫楸。失意胡足為翁羞。蛟今得附公郎轡。與

觀石鼓成均裏。讀公報國寺松詩。大雅居然追四始。興來

不揣續公吟。深慙郢曲和巴里。有此料壽。詩何必戒。公郎才調班揚

儔。龍門談笑舉堯鰲。歸語雙松似疇昔。先生詩句同千秋。

○贈別胡彥遠

彥遠有婦能詩王鐵山先生令錢塘時為之玉成

胡子咄咄生絕奇。十歲已受王公知。因茲舉案得佳婦。皎

如崑山玉雙株。虎林山水自酬倡。春花秋月無窮時。胡為

僕僕來京師。京師橐駝高似屋。風起塵埃晝昏日。三春不

見寸草青。一雨泥深陷雙足。區區失計來燕遊。三年未歸

終日愁。高車大馬填九陌。閉門不出深山猶。現身說法。胡

子躡屨不肯息。五侯七貴爭相識。君才到處多逢迎。朱門

豈是徒鋪餽。我為胡翁進良箴。風塵應接傷精神。車裘更

欲何方去。閨中有人白頭吟。友朋真愛惜語

○贈姜侍御巡鹺淮揚

蛟昔振策遊燕邦。身唯一橐充餼糧。京都人士盡裘馬。戴

笠欲前聲不揚。公持繡斧關外至。雙眸燁燁牟尼光。區區  
 一見蒙許可。謂我滿肚如詩囊。是年癸巳秋七夕。餞別繡  
 虎歸錢塘。藤花成。秭落酒盞座中有客皆豪狂。醜醜一嘔  
 數斗血。魂離厥宅遊大荒。公掣兩耳呼我返。頽然有骨支  
 匡床。賴公葆著復喙息。起躡草履披天閭。同升中秘十八  
 子。給札應制俱旁皇。余時衰經不得入。浩然空遇唐明皇。  
 前詳後略。重知已。輕功名。人品畢露。自公歸卧虎林石。烏臺寂寞無鳴岡。側  
 聞都門復攬轡。輟飭起舞歌滄浪。大江以南望風采。豺狼  
 遁跡狐狸藏。盱衡國計存大體。不事箕歛師弘羊。如公文  
 章真有用。有利軍國兼農商。正而十句君不見廣陵城西蜀岡

上父老指點平山堂。仲淹為隄障海患。至今尸祝功無疆。  
 適從江都問遺事。仰見賓雁南翱翔。知公載筆蕪城賦。飲  
 酒不樂思中郎。鄧生戎服蒞閩海。魯翁披褐畊東陽。天涯  
 寥落數知己。俯仰聚散殊蒼茫。不忘鄧魯宜津津七邗江  
 秋水淨如練。山楓徧赤籬。菊黃公毋惜我。疋病骨我今一  
 飲能百觴。嗟乎當時死藁燕。山脊安得鼓枻放浪遊。維揚

鄧廷羅 叔音偶樵 江寧人

○行軍建陽道上霧霽

建陽古郡軍行早。瀰霧連山山徑杳。馬首聞聲不見人。馬  
 尾相銜度飛鳥。嶺上金烏慘淡光。草昧安知天地老。振策

抄車新集 徐騰蛟 鄧廷羅

須臾響谷風秋。旻毫髮皆能了。叙得南浦樓船揚素波。西  
林赤幟飛晴曉。冉冉卿雲且復歌。宇宙塵氛却如掃。

○重造漳州郡城紀事 有引

漳城肇唐儀鳳大曆間。歷宋明迄今千年。所甲午歲海  
寇攻陷。蕩折城之垣基。片石無存者。大師復漳。余權知  
府事。從行間興工再築。丙申正經始。至三月告竣。千年  
崇墉。成以百許日。亦僅事也。歌以紀之。

丹霞石墨劫灰始。長鯨吹揚大海水。膏夏紫芝歷陽都。河  
魚穉稼一夕徙。礫場蒿滿斷炊烟。沿濠白骨雜馬矢。焚溺  
呼天天亦憂。汗血鞭石石成壘。嗟予百日卧城頭。露宿星

披靡寧止。短褐衝泥風雨中。胼胝畚鍤同坐起。自古大役  
嘆民勞。况小子黎半瘡。痛鳩聚幸覩麗譙。觀茅屋蕭蕭數  
椽耳。庶免東門黔。誓謹敢與營齊營。謝比寥落光景入千  
年草昧。及予身一廢。一興良有以。自辭荷橐離承明。海邊  
日瘦黃雲生。古寺牢落為官署。干戈猶未輟耘耕。落句稍  
妙不與漳城屹。漳水清。後來衣袂知我情。夜鴻驚雁哀鳴。  
題涉。試向哲人歌一聲。

陸舜 廣集

○送秋浦姬南歸詩

紅樓巷窄深深曲。秋郎叫花花睡足。義俠詩。起玉筋銀衫

懽笑頰。江南女兒黛愁綠。名娼新樣甘不如。自惜自憐情  
自束。三字表眼中疑是流離人。蓮心妾心苦誰毒。梅蠟初

黃舊海陽踏雪高流集。遠方臨邛客子漫消渴。芙蓉鑲淚

當爐傍烟花氣不惹。閨閣若個對之為憐傷。隔闌宛轉拋

紅豆。金籠笑劈鸚鵡翔。美人掩綃雙泪落。妾不受知情敢

剖。藏多惜昔妾家江水南。不酒不花秋浦口。盈盈十五王

昌嫁。諸生劍倚崆峒吼。大江西去繁鼓輦。池上流烽掠人

走。二十四橋哭明月。三百六日換盃酒。青青兩折落他人

妾。今竟是章臺柳。是慙是恨是悔此行如復墜風塵。不如

仍作羈囚婦。縲綬乍解辭晏平。自來越石女中有。口角爽烈自然

聳人祖命季平俱不及所以貴參觀也才人盡為氣如虹。紅葉催題入郡翁。

誰不值亂不值離。誰當為私當為公。公子風流好竒節。明

珠還浦歸眸紅。霹靂手指淮以南。陽春脚下江之東。頭上

杏花絕顏色。益州蒼頭來帳中。吹帆杳杳傍愁起。惜妾命

薄似流水。流水一去不復歸。猶幸妾流歸舊里。念郎見妾

能不墮念妾見郎敢遂意。說得可憐末技此生但願一見

郎得一見郎惟所死。額黃螺瘦舊家行。舊日花光舊鳥聲。

隣家兒女盡非舊。良人肯復懽平生。裴徊細數故園路。蛛

絲燕窠難為情。秋江浦頭水如雪。惜花公子恩波平。才人

遠天如落星。人人遊俠劉長卿。我來作客歸遲遲。相逢再

促題柘枝。耽佳亞亞理前事。笑余花裏曾相知。當時憔悴  
宛如昨。乃知總因傷別離。江南天寒風正悲。余懷渺渺榮  
心期。桃花馬上歸。文姬恨不執鞭為追隨。秉彛之好勿  
悞認為眷戀

雷經

綏山  
井研人

○仲春二日集何芝函璽卿宅。予以夜直不獲稽署中

偶成長句

勾芒東策羲和軌。夾鍾之律灰初起。長安二月春事微。蝶  
暖花明竟何似。主人璽卿達且賢。張筵共惜駒光駛。脯麟  
饌桂既旨多。琥珀濃芬金叵羅。相邀盡是崇霞客。話來桑  
海經塵波。夔鼓彭彭催晡谷。宵晝銅龍欲相續。白榆烟合

半昏黃。仙掌霏微看滴漉。卜夜留歡苦未能。急觴飛轡馬  
蹄輕。喏喏鵲烏六卿樹。峩峩豹虎九重闈。生料異色森動  
耳目忘為家常  
觴高唱直排金馬門。醉扣天閭天帝驚。微芒共指郎官宿  
誰識人間有歲星。

吳綺 續集

○青山下望黃將軍墓道

霜花入江江樹紅。半江落日搖悲風。此時客向青山路。遙  
見松楸竄狐兔。推篷指問黃頭郎。云是將軍神道處。將軍  
束髮事邊疆。浴血榆關四十霜。射鵬并挽雙飛鞬。回馬常  
持半段槍。曾經搏戰烏桓賊。手戮長鯨襄水赤。上相頻分

卧内符。諸侯競屈轅。門膝手縛渠。魁未報恩。漁陽鼓入延。  
 秋門西京已下。仙人淚南國。還招帝子魂。馬渡瑯琊從此。  
 化將軍定策同王謝。豈知艷曲號無愁。亞子空呼李天下。  
 天下龍髯痛未消。臨春明月響瓊簫。中涓厮養橫官錦。丞  
 相家兒插坐貂。就中更有陳留子。宮門夜半傳黃紙。盡逐  
 元豐舊黨人。半閒堂裏烟塵起。傳檄言誅刁。與劉武昌楊  
 柳作邊愁。巖疆已付中行說。壯節空思祖豫州。雖泛述當  
時太勢將  
軍不能成功之根  
在此。字字喫緊。將軍義憤填懷抱。洗日虞淵何足道。一  
 朝失計詔移軍。清風小用臨江嘯。倚劍空持半壁天。比來  
 烽火照甘泉。橫江零落千尋索。下殿倉皇七寶鞭。此時將

軍鎮姑孰。官車夜到驅黃犢。紫髯怒吼陣雲昏。虞歌夜泣  
 蛾眉綠。平明戰鼓動江鴉。裹創猶呼御賜驅。鳴弦豈意來  
 鶉尾。拔刃空聞叱虎牙。數年來未有淋漓悲壯詳  
此事者。殆天留以待木人。可憐魄  
 染胭脂血。蒲首歸來事難說。幾年墓木拱白楊。夜夜猶然  
 叫鴟鴞。我聞此語心傷悲。為指江涘之高陂。當年廟策列  
 四鎮。此地實為君封陲。痴兒不了公家事。模糊顛倒山河  
 字。罵賊不及雷海青。弄兵竊效田承嗣。忽晉兵子  
欲哭欲笑。將軍抗  
 表建牙旌。討逆應先李茂貞。一喝逆流萬人死。摧枯拉朽  
 無堅營。說到殉節。將軍事已畢。重  
提此。奮勞績。痛惜之極。樓煩出射弓。矢墜錦裘  
 繡帽加雷火。紫電橫飛靈寶刀。紅冰膩結連環鎖。至今白



骨滿蒼山折戟猶存戰血斑。豎子無成悲廣武。詞人多恨  
哭江南。吁嗟將軍復何有。從來運數多陽九。留守魂遊宋  
氏河。監軍淚滴唐家酒。吾徒意氣豈能灰。當時所用違其  
才。夕陽下山黃葉雨。江風颯颯魂歸來。

○送唐髯孫赴粵幕

銅馬門前橫晚照。年年別淚沾春草。丈夫牢落忽從戎。送  
君又出漁陽道。憶君年少讀奇書。樓畔停車玉不如。珠勒  
遊曾同白下。彩毫詩擬過黃初。此時意氣凌霄斗。醉挽胡  
姬弄楊柳。起舞時聞越石雞。雄篇不換長卿酒。無端憔悴  
向長安。蜀道偏歌行路難。勢去田文空感慨。愁來范叔只

饑寒飄零巷北連茅屋。細語空堂夜燈綠。幽憤難教古鵝

知途窮。却向銅駝哭。

前止叙事

此更着色一朝楊僕擁戈船。十丈牙

旌下九仙。揖客將軍稱大樹。登臺賓從愛紅蓮。羨君擲筆

心偏壯。拂拭吳鉤笑相向。飛檄應教百郡傳。凱歌會令三

軍唱。

風起水湧非復平川逶迤

我泛匍匐持玉鐙。爲君倚筑歌吳聲。依

人漫作思鄉夢。失路寧爲出塞行。君不見黃屋當年自娛

戲。陸郎夜策羊城騎。老夫曲膝上書來。橐內金裝鳴得意。

又不見伏波高柱矗雲中。銅鼓山邊戰血紅。飛鳶晚墮藤

溪水。椒殿還論新息功。男兒致身會有處。安能老向東湖

住。潮轟戰鼓打匡門。月照零丁人未渡。韓柳文章儋耳詩。

送君南去日相思。手中但有長纓在。莫戀花田飽荔枝。

趙而怵 續集

○送田髯淵歸雲間

狂○夫○欲○歸○歸○未○得○日○向○西○山○看○顏○色○有○酒○細○傾○字○細○吟○同  
君○置○身○天○地○側○長○安○入○夏○雨○翻○盆○龍○蛇○勢○逼○雲○多○黑○開○樽  
選○客○為○君○謀○各○懸○明○月○在○胸○臆性情高肅令人不敢輕言交友宴會銀○鞍○實  
自○怯○人○行○對○彼○波○瀾○長○太○息○飛○書○渺○渺○直○愁○予○風○雨○交○情  
鳴○筆○墨○憶○當○傾○蓋○是○何○時○梅○花○開○日○初○相○識○譚○文○每○使○意  
多○餘○飲○酒○亦○見○腸○無○匿○今○春○走○馬○韋○公○祠○西○峰○晴○雪○威○條  
飾○惟○有○海○棠○未○肯○開○東○風○似○少○吹○花○力○君○情○遐○舉○立○蒼○茫

看○花○必○盡○詩○人○職○遭○逢○燕○市○誰○如○此○余○與○田○子○情○無○極風格

矜貴令人不敢輕言光景倏○然○芳○草○信○扁○舟○送○客○天○涯○不○自○由○移○書○欲

去○張○華○宅○作○賦○行○登○李○白○樓○瞬○息○江○淮○落○吾○手○芟○橘○菰○蓴

正○及○秋○君○歸○逸○事○故○鄉○多○鄙○人○并○州○奈○愁○何○會○須○鼓○楫○臨

黃○浦○來○醉○君○家○金○叵○羅

劉醇驥 續集

○觀象臺歌

儒○生○閉○戶○不○識○天○與○地○眼○濶○如○箕○痴○滿○意○凌○秋○忽○俯○兩○儀  
低○古○雅○國○初○傳○神○器○在○齊○虞○舜○玄○德○功○馮○相○周○公○材○藝○事  
後○世○疇○人○添○巧○思○雕○裂○混○沌○詳○名○字○陰○陽○為○炭○造○化○工○噴

薄○精○英○銅○浪○熾○雞○卵○模○成○太○極○圖○三○光○列○宿○排○虛○無○黃○赤○  
 錯○交○機○關○活○跳○九○轉○轂○同○甌○吏○攫○龍○天○矯○扛○寒○暑○鱗○甲○軒○  
 軒○怒○可○呼○天○地○鑄○人○人○鑄○天○範○圍○頗○亦○費○勤○劬○金○飽○風○霜○  
 老○失○腥○黝○黯○作○石○寒○雲○扶○祥○鬼○呵○護○飛○鳥○拜○綠○汗○內○忍○苦○  
 避○膚○晏○溫○破○慘○日○光○滑○蝦○蟆○吐○影○卧○螻○蛄○鼎○彝○戈○鑑○恥○玄○  
 與○報○時○卑○小○仙○莖○誣刻鏤至此自從盤古開闢三才白手  
 弄○清○濁○如○分○葉○六○幕○茫○茫○蒼○昊○盈○胚○胎○橐○籥○非○形○迹○補○石○  
 盜○壤○真○兒○嬉○世○界○豈○辭○供○揮○斥○徑○圍○道○里○通○淆○訛○蟾○虹○冒○  
 居○蠶○繭○宅○譚○笑○方○員○指○掌○間○虛○空○撮○聚○歸○丈○尺○渾○淪○循○旋○  
 萬○化○基○子○午○顛○倒○攢○片○時○乾○坤○有○身○終○汗○漫○元○氣○肯○受○年○

歲○欺前繪形此詮靈○臺○候○官○聞○此○疑○汪○洋○師○法○各○家○知○未○  
 長○祇○堪○摩○象○窺○管○期○災○祥三句收束  
 一篇簡婉

許○珙 廣集

○放歌行

君○不○見○江○南○庾○信○望○鄉○哀○我○今○登○高○縱○酒○憑○弔○不○可○一○世○  
 之○奇○才○城○頭○鐵○笛○秋○聲○起○鍾○山○萬○古○黃○雲○開○名○士○倘○佯○鸚○  
 鵡○賦○美○人○縹○緲○鳳○凰○臺○麻○鞋○中○原○走○杜○甫○天○寶○琵琶○盲○婦○  
 苦○老○大○不○作○干○謁○詩○嚴○武○諸○公○亦○有○數只是眼冷長○干○舊○  
 市○六○朝○痕○花○開○花○落○問○梁○祖○丈○夫○若○生○高○光○時○絳○灌○平○平○  
 安○足○伍○君○不○見○十○廟○之○旁○功○臣○甲○第○高○英○雄○氣○盡○半○醞○俎○

我○今○單○衫○白○恰○歸○閩○中○勞○勞○亭○畔○多○悲○風○同○時○握○手○有○二  
 子○詩○聲○金○石○驚○人○聾○楊○子○江○頭○與○君○揖○雍○門○豈○是○尋○常○泣  
 玉○塞○寒○霜○鴻○鴈○稀○金○陵○野○菊○牛○羊○溼顧盼非常吁○嗟○乎○小○人○之  
 行○為○有○母○肝○膽○持○贈○赤○虹○吐○此○去○滄○溟○萬○頃○間○鯨○鯢○縱○橫  
 天○狼○烟○七○尺○生○全○達○鄉○里○世○人○欲○殺○君○獨○憐○思○君○日○上○武  
 夷○巔○猖○狂○散○髮○凌○高○天○男○兒○富○貴○貧○賤○各○有○得○何○時○與○君  
 重○話○雞○壇○年激昂中露出繾綣遂與粗豪徑庭

葉襄 續集

○鮓魚歌

春○江○三○月○櫻○桃○紅○奔○流○急○漲○開○鯨○宮○白○白○鮓○魚○滿○街○市○千

條○呀○呷○隨○潮○通○網○師○乘○船○日○來○往○歌○帆○側○柁○凌○泱○泱○金○鱗  
 撥○刺○丹○腮○殷○感○浪○翻○風○墮○羅○網○紅○肌○素○甲○堆○銀○霜○嶙○峋○細  
 骨○如○箭○鏃○當○時○自○愛○形○質○好○豈○知○九○罟○潛○高○張○養○人○受○魚  
 揮○利○鏑○輕○刀○轉○切○鱗○不○落○綺○散○俄○看○疊○殼○飛○霜○輕○快○比○秋  
 蟬○薄○憶○昔○天○家○全○盛○日○九○州○四○海○車○書○一○江○淮○貢○賦○達○津  
 門○炎○天○冰○雪○爭○馳○驛氣槩根考據來便不邪廓石○榴○紅○噴○壓○雕○欄○長○日  
 初○開○夏○殿○寒○百○和○椒○蘭○金○鳳○椀○千○層○雪○鱸○玉○龍○盤非此富麗不副  
 價○品○塵○沙○漠○漠○燕○雲○隔○蘆○酒○黃○羊○遍○闔○陌○園○陵○寂○寞○閉○蓬蒿  
 誰○向○荒○臺○薦○新○麥○事○移○勢○去○盡○悠○悠○對○食○暫○餐○涕○自○流○回  
 首○龍○江○春○寂○寂○波○濤○直○下○使○人○愁

尤侗 續集

○打閘行

唧唧復喧喧。群呼打閘門。閘門百尺逆流湧。榜人遙望已  
 色動。大舡賈勇獨當頭。小舡鱗比相接。踵持篙。牽纜衆工  
 急。估客家奴爭助力。前者鞠躬若角崩。後者背負猶屹立。  
 忽然入口破浪開。兩崖滾滾聞鳴雷。水衝石嘴舟鬪擊。欲  
 行還却幾徘徊。至文只在眼前。走人醋甕將索何句。旗竿亂貼金鼓震。鶴首  
 昂然竟前進。逸如疋馬驟脫韁。猛如三軍齊陷陣。側身一  
 卸。千尺強掉頭。曳尾氣洋洋。頃刻倉黃誠交急。此時輕快  
 亦莫當。消息大局。不過爾爾。雙篷高掛棹歌舉。決漭黃河秋色裏。魚

龍踴躍大王風。烟光澹蕩靈妃雨。舡頭雜豕祠河神。長年  
 泥飲清河春。却話閘口風波惡。岸上翻憂舟中人。老夫大  
 笑此何畏。平地風波經十倍。起歌小海木腸兒。搔首青天  
 同一醉。

○煮粥行

去年散米數千人。今年煮粥纔數。可憐。不用多說。去年領米有  
 完衣。今年毀粥見皮骨。去年人衆今年少。去年人壯今年  
 老。爺娘餓死葬荒郊。妻兒賣去遼陽道。小人原有數畝田。  
 前歲盡被滿洲圈。身與庄頭爲客作。里長尚索人丁錢。庄  
 頭水滂家亦苦。驅逐傭工出門戶。豈作詩觀。今朝有粥且充饑。

那得年年靠官府。商量欲向異鄉投。携男抱女無車牛。縱然跋涉經千里。恐是逃人不肯收。

○漕艇行

五日過一閘。十日過一關。問君濡滯胡爲爾。積水以待漕艇還。漕艇峩峩排空來。影擢長虹聲如雷。官艇逡巡不敢進。客艇急向兩崖開。昔年曾見漕艇上。今年又遇漕艇回。漕艇回時猶自可。漕艇上時鼉殺我。會河水淺青草生。日燒三伏紅于火。閘門高閉溜潺潺。篙師終日垂頭坐。坐待漕艇開始開。舳艫塞滿中流柁。其艇重大皆千鈞。淮鹽蘇酒多包裹。睥睨權司不敢言。鞭撻划工無處躲。使氣便說

有漕規一呼群起靡不爲茶梁竹筏任汝取米市魚牙受汝虧旁艇亦羨漕艇樂不獨醉飽且施威悉臚其弊當一佳疏默思

朝廷養此物轉餉本供軍國乏今費一石致一斗國用日

虛民日竭運弁如狐軍如虎下倉講兌氣驕鹵陽解淋尖

願指間立破中人千百戶縣官難與伍長爭欲爭翻愁漕

使怒又當一只今江南穀價賤意欲折乾誰論估索錢不

留雞犬存耗米輒云鼠雀蠹漂沒回空亦不憂敲朴糧長

仍賠補嗚呼小民如此困催科一歲租入能幾何公家賦

稅豈敢少奈供此曹魚肉多君不見武侯治蜀屯田乎木

牛流馬真良圖付之無聊一嘆知其莫可如何而安之矣

張炳璿 廣集

○聽鷓鴣

鷓鴣啼鷓鴣啼涼風九月建陽溪山高岸遠秋叢亂繡羽  
 斑斕看屢迷但聽山南復山北啞啞相呼更相索慣識前  
 途有惡灘分付行人行不得山轉風迴漸不聞迎舟又叫  
 隔溪雲得耳中日日何曾斷雨外聲聲似有云似有云何  
 觀縷白日將西啼更苦得蹲鷓鴣學鬼嘯枯木楚客思鄉淚  
 如雨山頭紅豆垂鬚鬚鷓鴣啼罷飛向南得孤舟遠泊秋  
 雲末重聽啼猿更不堪

程先貞

正夫 德州人

○冰山歌

歲癸巳正月十八日夜風厲甚恩縣祁村陂中冰忽卓  
 立成山廣四丈高二丈許峰巒秀拔谿壑迴環一磴委  
 蛇相通觀者遠近裹糧至日千餘人禱祠焉余遍考諸  
 書古無此異不知何祥也作歌紀之

春冰欲泮因風舉風迴冰合成孤嶼嶙峋翠律插晴空委  
 蛇一徑通洲渚玻璃注射遠玲瓏寒氣蕭蕭纏四圍狀題  
句已豈向拘彌登大疑驚魂動魄駭心膂土人傳說烟霧  
 中夜來鬼物閤然語咫尺天地愁崩裂曉見茲山居其所  
 遠近扶携老幼來清酒在卣牲在俎所欲伊何禱祀求匍

匍叩首如築杵造化小兒解弄人幾令東嶽同于汝吁嗟  
張象有成言陽光消釋誰能阻又聞冰者占爲兵下民憔悴  
寧如許安得附書與長吏潛銷默奪煩區處古情錯落

劉孔和節之長山人

○與內遼南村觀打麥作

蓬蒿堆裏數椽屋拖沓山間水間綠入手生硬主人數月始一  
來空鎖涼陰向幽獨今朝短轅驅過市半尺新泥幾沒輓  
蚤一月雨麥十分一畝今纔收數斛市上人希手工貴百  
五十錢猶額願奈何絕不須雨時終日如秋飛霖霖今歲  
得此真意外誰料登場見簇簇方離箭鏃與馬蹄苦算豐

凶真不足

安分良箴末路乃吾妻相對復相慶坐久醅膠

不嫌濁麥色盈眸帶蘭香斷續纜車雜碌礮紫沉未落百  
顆椹青浮去籜兩盤竹歡然一飽世事寬儘可讀書兼抱  
犢歸來作歌意和平要使農謹變悲哭

○十一月二十五日雪

至后第三雪鄰鄰歡有餘圍翁束蓄菜里老觀歲豬書生  
苦在家殘火如暗霞堅吟亦何益自是長谷嗟濁醪帶醅  
應不惡窗下寒鷄聲膈膊但願明年不見兵二麥登場蠶  
在箔榆關兵去寬東顧已報潼關群盜渡荆棘蕪沒銅駝  
城旌旗熠燿金牛路佳句無心做聚星奇功可願思懸紙



既願不見兵，又思奇功。已矣哉，當風撫劍，令人哀。綏綏欲  
方寸五岳，衝突難平。止頽陰來，長鑱短褐，此生足欲。幹元化，何繇回。

丘石常

子廩海石  
諸城人

○山夜放歌

一秋不雨南山秃，惟我松筠強不伏。昨歲洶洶漾海濤，馬  
蹄不踏王官谷。歸來三徑宛如前，城裏遊俠日相逐。海舶  
載來南國倡，園丁架就東籬菊。君子亭前月似霜，大夫松  
下絲兼肉。决明白煮乳，西施猛火熟。蒸山黃，獨大兒鬱鬱  
常欲哭。爲此寂寂反成福，塾師放假小兒歡。遶檻周游如  
一犢，燈前更發阿咸書。芙蓉花放延阿叔，歡意渺然竟酒。

後東樓看月西樓宿

參差磊落，不露牢騷。更爾頽唐，自喜。

徐緘

廣集

○芭蕉聽雨吟懷施愚山學憲

主人庭院芭蕉樹，夜雨秋風腸斷處。昨夜飄風沛縣來，鄒  
嶧愁雲迥不開。孤館羈人思慨慷，忽聞聲在芭蕉上。溼翅  
蒼鷹遶屋啼，當門荒楚連霄長。珠簾寂寞委瑤琴，遠客支  
離折寸心。戚姬城北玄猿哭，微子山前白馬沉。汶水湯湯  
那得渡，絳紗使者愁行路。商羊跳擲魯東門，丈人峰下欲  
消魂。冥冥漠漠何終極，日觀蓬萊斷消息。破驛宵眠鬼火  
青，濁醪晝引徂徠黑。正是芭蕉雨滴時，山陰逋客倍相思。

儻乘涇水琴高鯉為寄黃門苦雨詩聲情掩抑不事深曲自能移人

侯方域 廣集

估客樂

襄陽大估泊江渚夜登我舟為款語估欲過關權稅煩官  
即放船吏不許往來吳越八九年昔衣錦純今白紵羞過  
公子沙棠舟不携珍錯携鷄黍家故有婦高樓居近聞樓  
下鳴機杼我言估樂估自疑我不告估估不知估聽一事  
意自平估不出錢佐水衡田夫總為開河死估更乘舟河

上行題外含吐多許

董漢策 惟孺芝筠烏程人

○雨花臺

山也何故名為臺便扼覆蔭蒼翠如一杯欲去不去三月

春風光徐引遊人來平坡皆級不可繪綠楊為帶霞為蓋  
畫樓幾處醉眠人指點煙巒數層外草色欲成波浪起行  
至山巔青不止高處如雲下如水從下望上亦如此刻畫葱蒨

到者嘆其妙澄目天南江水明江中帆與青山平變化晴雨兩

俱適天花積氣之所成遠望疑園亦疑圃到山無峰亦無  
樹天地隨心造此山不復拘之以法度何妨竟作水榭看

貞祐春風且徐步

○巢雲館聽松 溫其旋家有二松巢雲館係其新築

虛堂無響清風來。颯颯雲濤千萬堆。太空飛羽動四壁。不覺天地同低徊。主人冷澹多高節。對此雙松歎奇絕。沍露披霜數百年。歷遍春秋似嗚咽。不數秦朝五大夫。寧學龍潛礪邊穴。權奇因縛不得平。紛紛怒氣為秋聲。金天奔走麟鳳語。久之澹蕩如瑤笙。有聲有形儼然槎枒擎攬歎舞作態聲有萬分聽則一。靜掃繁音廢琴瑟。忽疑身世在空山。頓令眼前烟火江村失。

沈胤范 康臣 紹興人

○君馬黃

君馬黃。臣馬黃。馬身空一色。爾我心難測。邯鄲少年飾遊

騎。揮鞭都入垂楊去。只知猶坐五花韉。銜錢那有開元字。我有疾欵段。不縱亦不騎。四蹄踏地嘗局脊。低頭與主同

踟躕 古色新聲 組纈參錯

○明月篇

癸巳閏六月十七十五立秋秋二日西洋小曆書既望細按今年唯此夕胤也將眠讀書屋蒼茫四望舉幃出自任城隈小有天。鏟垣作地如平田。下階百步無荆棘。稍留環堵皆隨肩。俯仰之間真洞濶。回看夜氣何澄鮮。離離明月破滄海。行空不見群星在。百丈金波皎欲流。樓臺半出三山外。少焉正值南離中。直排雲漢留空濛。神光接地渾不

測○巨○鼇○夜○失○蓬○萊○官○玉○馬○都○沉○斗○柄○墜○惟○有○萬○竅○惺○慄○生○  
 寒○風○對○之○高○歌○作○酣○舞○延○秋○門○上○三○聲○鼓○持○杯○自○勸○滄○浪○  
 天○人○事○何○為○異○今○古○淺寫乙○酉○之○夏○曾○逢○閨○書○生○腰○鍵○誇○  
 廉○蘭○不蹈虛而被至○今○月○落○戰○場○低○猶○有○軍○官○紀○行○陣○上○  
 年○風○物○漸○悠○游○吹○蘆○響○鏞○無○人○愁○此○際○官○街○絕○行○迹○饑○鳥○  
 立○路○聲○啾○啾○客○子○披○衣○將○不○寐○憂○思○盈○樽○神○欲○醉○三○十○男○  
 兒○秋○夜○長○狂○來○自○擊○珊○瑚○碎○

毛奇齡 廣集

○又鞦韆辭

北○來○小○妓○善○懸○綆○春○空○飛○翻○作○花○影○南○人○長○裙○掃○堦○除○依○

希○學○得○亦○不○如○少○時○嘗○看○鞦○韆○戲○紅○繩○漆○桁○小○園○內○此○時○  
 正○值○桃○花○開○有○妓○風○中○杳○然○至○天○嬌○慣○舞○得○未○曾○瀏○灑○盤○  
 脫○皆○有○名○觀○者○百○十○多○嘆○息○戲○罷○狡○蹇○東○西○行○正面只四句不肯多  
 着○語○善○古○文○詩歌者皆然十○年○散○亂○各○竄○走○邑○里○蕭○條○絕○雞○狗○紅○繩○漆○  
 桁○了○不○存○此○妓○城○南○作○人○偶○春○來○三○月○猶○坐○家○脚○能○踏○地○  
 手○績○麻○草○青○日○出○各○不○見○翩○翩○吹○落○紅○桃○花○

鄧漢儀 續集

○樟樹行 用少陵古柏行韻

泰○山○之○松○夔○府○栢○古○跡○流○傳○壽○金○石○衢○州○城○外○訪○寒○潭○樟○  
 樹○何○年○高○百○尺○龍○蛇○垂○地○風○雷○盤○錦○繡○連○雲○翹○魅○惜○合○圍○

豈○滅○籬○痕○青○。陰○畝○長○纏○霜○氣○白○。聞○昔○真○主○號○江○東○。撞○鐘○伐○鼓○。搜○蛟○宮○何○人○割○。據○錢○鏐○大○一○旦○。迅○掃○孫○恩○空○。蒼○蒼○老○樹○屯○兵○甲○。颯○颯○大○地○吹○陰○風○。致○令○太○廟○酬○凱○捷○。古○樟○遂○埒○從○龍○功○。逸事補入 詩最可愛只○今○宮○闕○燔○高○棟○。江○國○誰○知○枝○葉○重○。曠○野○狐○狸○將○見○欺○。滄○洲○簷○策○愁○相○送○。若○將○心○事○托○哀○蟬○。詎○少○威○儀○似○丹○鳳○。老○淚○殷○勤○囑○健○兒○。斧○斤○此○樹○休○輕○用○。全是故國 黍離之悲

張賁孫 繡虎 仁和人

○宿吳震蕩村  
天○寒○斲○破○魚○不○上○水○。鶴○飛○叫○吳○震○蕩○。盤夏 蒼辣居○人○沿○溪○構○屋○住○。古○墻○一○帶○冬○青○樹○。亂○離○逃○亡○室○已○空○。竹○狗○穿○穴○破○竈○中○。

縣○令○徵○書○日○夜○急○。貧○家○無○女○男○。紡○績○連○年○水○旱○耕○。種○遲○殺○雞○尚○祭○土○神○祠○。

徐夜 東癡 新城人

○早聞  
山○僧○呼○僧○出○山○寺○。但○聞○語○聲○不○聞○字○。山○家○無○事○誰○叩○門○。犬○聲○遠○在○南○山○村○。昨○夜○筵○音○宿○溪○水○。仿○佛○白○雲○今○又○起○。日○出○山○頭○露○已○稀○。清○晨○角○響○東○山○扉○。牧○兒○逐○伴○出○門○去○。牛○羊○日○在○山○中○肥○。清寒逼人 心空欲化

蘇本眉 劍浦 霑化人

○報國寺古松歌

醉燕酒折燕柳。不如報國寺前聽松吼。望蒼蒼披老霜。鬱  
 葱葱起寒風。十三株兩狗癩根接葉。薛侵膚枝連屋石臺  
 覆。袒右肩撐短木。木撐右袒舞盤旋。寺松松寺共爭年。不  
 知寺與松誰先。題已無蘊不搜。獨用短兵拒險狹巷。

錢秉鐙 續集

○姑山草堂歌

秦淮九月天氣涼。江雁初飛菊有芳。徐生旅館湛清觴。夜  
 深酒罷燈猶張。雪乳細潑聞澹香。草根滴露啼寒蟄。展書  
 筆墨精且良。要我寄題姑山莊。姑山老屋百年荒。兵火經  
 過樹未傷。薜荔裊裊網古墻。人烟深處橘柚黃。中有幽塢

構草堂。遶屏松竹森成行。先世圖籍此中藏。山頭怪石勢  
 低昂。見者驅之疑為羊。麻姑仙跡事渺茫。鍾鼓不擊餘鏗  
 鏘。東有大湖水汪洋。沈麻諸子宅其傍。暇日過從一艇杭。  
 有書有友死可忘。胡為棄茲山水鄉。賃居蔬圃春無糧。應  
 門老僕鬚全蒼。終日街頭走欲僵。如此忠告不俟再計。勸君早整還  
 山裝。妻孥天寒遙相望。掃除苔蘚開竹房。架有卷軸笏有  
 漿。召君好友讀且嘗。縱君談笑無所防。我亦有廬樅水陽。  
 桂花松子秋滿牀。催科驅走來四方。閉門有志不得將。責人甚明。自又蹈此病。我輩每不免讀之失笑。逋君詩債今當償。作詩勸君歸計長。  
 車以遵 孝思 長沙人

○王介公采松石行

石不產松松在石凡物靈者不俟質一松內外示全身諸  
 石緣此悉辟易永康有松化石理固不測君得江園成最早石所種處  
 如菘草中有松石不見人久閱晴江江亦老采石安知松  
 所寓一舟仍泛賢愚路露華細裂根與鬚鬼斧獨工欣與  
 怒石如腹松松不恥以石撫松松作子移石兼移江上聲  
 未必江聲專在水君不見康干河松化為石石不磨想君  
 得此非無意試聽尊前眉壽歌介公近作以壽尊人注

魏晉封續集

○王前世人以顏蠋魯仲連戰國二高士然遺燕將書何強與人國事也于連不能無遺議焉

食無肉出無輿生王頭上將焉如奈何方欲蹈東海教人不忠一紙書

何亮功次德桐城人

○折楊柳

公無渡河且伐木大車小車推督郵故嫌遲一解不見垂絲  
 絲拂水千繩萬縛沉水底吁嗟柳兮二解堤上千萬人不畏  
 風中沙綺綿千萬端不如絲與麻三解及時力作莫岩雄恣  
 待水惡廟前列猪羊樓上奏笙簧四解河之渚誰送汝河水五解  
 漣漣河舟潁潁匠鑿勒石永志年歲

于覺世子先赤山新城人

○洗象行和王貽上

杜曲晴連上苑花。南通邛夔西流沙。依稀萬國稱王會。異物紛紜到天家。天家宮闕五雲障。霧歛瓊樓初放仗。金牌小字號將軍。體幹崢嶸狎巨浪。嗟爾象雕鞍。錦韉黃金亮。旋轉驚迴紅錦湍。屹立如山大官養。卷髭錦帽小胡雛。意氣軒揚踞其上。君不見深山大澤盤蛟鯨。呼吸吐納風雲生。又不見漢皇馭遠重珍異。猛獸遙貢月支使。霹靂礧礧群什顛。虎豹聞之驚走避。嗟爾骯髒亦何為。厮養奴隸策驅之。俯仰宇宙空遼濶。徘徊羈紲我心悲。不其寫洗字。只寓嘲哂意于歎惜。較他篇極力摹畫者。獨有寄托。

陳祚明

胤倩 仁和人

○投贈王敬哉大司成

東臨碣石滄海深。薊門都會風雲陰。先生結交滿天下。投分猶憶吳山岑。是時五湖舟浩蕩。荇葉風荷汎滌滢。家有元方能和歌。酒酣擊筑悲風上。功業自許平勃殊。不然亦慕藺相如。豈羨西京五侯貴。却笑東漢三君疎。十年搶攘多軼軻。身欲奮飛毛羽墮。在原更抱懷沙愁。避世空令負薪情。梗槩已盡四句。下草衣疏屨走窮山拾橡接禾自往。更濃林勢陡芒射。還本愛烟霞。棲谷口但留名。姓在人間髣髴毛。已向泥塗老白骨。蕭條尚秋草。出門乞食迷所之。橫鞭直走長安道。龍



門此日高嶙峋。暫卧東山且數春。見說春筮羅國子。傳家

綵筆感星辰。

贈人只四句。傳矣。連篇累牘。見者欲嘔。真苦海也。

懷中漫沒彌衡刺。

登堂請見輸心事。招邀更作平原飲。慷慨應揮羊舌淚。青  
松○白○水○日○悠○悠○珠○履○堂○前○客○未○休○他○鄉○徒○步○來○馮○煖○一○劍  
隨○身○又○蒯○緱

○皇姑行

隆準王孫數不億。時移姓改耕田食。楚王之後三戶東。  
海○為○漁○使○人○識○將○妻○織○履○夜○黃○昏○火○鼓○追○呼○吏○到○門○龍○顏  
歎○血○委○黃○土○玉○貌○自○繫○檻○車○奔○雙○頰○慘○桃○花○雙○眉○羞○柳○葉  
昔○日○郡○王○妃○今○朝○俘○擄○妾○司○農○署○裏○日○紛○紛○沒○人○姬○人○千

百○群○賜○與○功○臣○作○奴○婢○解○將○塞○下○配○邊○軍○隱○忍○未○隨○孤○劍

盡○淒○涼○心○折○暮○笳○聞○長○秋○手○持○黃○紙○檄○官○娃○詔○選○填○宮○掖

掖○門○聞○說○愛○南○裝○侍○臣○盡○向○南○人○索節次刻鏤不減龍眠細画螺子之

黛○供○畫○眉○騰○脂○生○紅○粉○作○白○廣○袖○輕○衫○恰○稱○身○文○錦○吳○羅

尚○衣○借○請○臨○粧○鏡○更○梳○頭○蟬○髻○低○垂○翠○影○流○不○勞○編○髮○蟠

倭○墮○此○去○應○隨○鳳○輦○遊粧點氣色作勢六○人○共○選○昭○陽○殿○各○自○飄

零○泣○嬌○面○就○中○截○髮○故○王○姬○含○情○獨○掩○秋○風○扇○殿○前○長○跼

見○君○王○未○語○酸○辛○淚○百○行○薄○命○已○拚○歌○寡○鵠○多○情○不○忍○伴

鴛○鴦○蒙○頭○更○脫○羅○巾○看○剪○殘○短○髻○秋○雲○亂○一○心○寂○滅○向○空

王○詔○許○清○齋○闕○仙○觀○城○西○山○色○萬○峰○深○皇○姑○菴○子○春○山

陰紅泉洗鉢朝烟入清磬焚香夕月沉朝烟夕月年年似  
洗淨鉛華弄雲水當年多愧息夫人細腰亦在深宮裏

○ 訓明農山人方爾止

殺○羊○之○裘○革○為○帶○騎○驢○出○門○傲○寇○蓋○禽○山○山○下○明○農○人○形○

貌○何○癩○道○何○泰○太原公子昔時定交西子湖到門俊及傾

顧○厨○我○家○元○方○愛○賓○客○樽○中○之○酒○無○時○無○草○衣○末○席○坐○小○

弟○往○往○許○與○皆○吾○徒○丈○夫○意○氣○何○骯○髒○生○才○何○必○爭○瑜○亮○

經○綸○各○有○萬○古○心○乘○風○欲○破○千○里○浪○灌○園○抱○甕○謀○一○身○區○

區○肯○作○蓬○蒿○人○豈○知○桑○田○變○滄○海○海○水○清○淺○行○揚○塵○家○兄○

無○祿○着○鞭○早○功○業○不○立○甘○湛○身○我○收○遺○骨○撫○孤○子○失○路○坎○

凜○長○清○貧齒頰更馨道○之○不○行○此○固○命○遠○引○願○作○桃○源○民○吾○徒○

同○志○每○索○莫○貴○見○懷○抱○全○天○真○布○衣○何○必○蹈○東○海○獨○往○聊○

為○田○子○春○世○上○浮○名○無○亦○好○八○口○苦○饑○難○自○保○乞○食○更○作○

京○華○遊○面○目○黧○黑○色○枯○槁○道○傍○却○見○明○農○人○跋○扈○飛○揚○氣○

尚○存○達○官○車○騎○走○負○弩○隱○者○却○較○王○侯○尊○十○五○年○來○更○相○

見○存○歿○酸○辛○一○細○論○贈○我○新○詩○那○忍○讀○話○舊○語○出○聲○還○吞○

交情夾雜變故休戚觸動分外激熱西○山○冥○冥○北○風○烈○白○日○照○地○塵○沙○昏○招○

提○松○下○飲○濁○酒○狹○邪○驢○背○懷○家○園○勲○名○了○不○呈○懷○抱○麋○鹿○

只○合○長○林○奔○買○山○無○錢○歸○未○得○青○眼○相○看○淚○沾○臆○往○來○去○

在○因○他○人○賣○賦○便○愁○人○不○識○魯○連○玉○貌○那○在○此○四○皓○鬚○髯○

徒爾爾况多懷舊哀沅湘同學故人半爲鬼人生幾得一  
 百年故鄉遠隔三千里纏綿沉挫借酒自澆酒酣耳熱意悽惻潦倒  
 羈栖竟誰是春風一起歸去來湖上桃花鱖魚美

○○燕山遥哭二小姪

吾家譜系宋南渡遠祖名留永樂年兄弟中鮮惟一老八  
 十倚杖看曾玄六孫幸有小宗六三枝斷絕人蕭然其餘  
 奕葉僅宗祏豈有瓜瓞生綿綿每多昆弟四五輩死亡略  
 盡終單傳族譜序出名筆遜此風逸我父少孤家破碎劣不凍餒捐黃  
 泉艱辛成立苦婢子道大其澤當長延如何四子總柔懦  
 又弱一个大大者賢仲兄季弟幸自愛葛藟覆蔭相句連昔

時大兄官方達膝下少壯行隨肩床頭鵠立形影聚食牛  
 之氣皆無前老親掉頭泣暗壁若等長大成何益趙武初  
 冠求箴規敬姜夜績訓朝夕英藜豈無庭堅祖武子不救  
 樂盈危百年始了尚平志八子未是高陽宅眼中之花畏  
 風雨他日飄搖恐孤隻老人深慮初聽似不倫却有奇驗懿哉我父真聖  
 人早識寒微預悲惜邦家既壞春冰解三人偃蹇卧蓬藿  
 大兄早歿一兒孤祚也再聚將兩雛仲兄季弟身不保老  
 大牧犢爲鰥夫有嫂始婚盆復鼓不孝莫大長嗟吁癸甲  
 之歲兄逾壯我弟二十五年長初成嘉禮各有室欲告先  
 靈慰悽愴我緣乞食走京華喪家之狗迷所向聚廬歌哭

兄弟留警鷄視夜聊相傍旋聞各產渥注駒旅舍開書神  
 亦王家常語一字一珠爛漫奪目知初唐為何調如何不  
典故為何事明湖有此可云獨立不懼之士  
 淑並摧折雙埋玉樹朝榮滅綵綳委地呼不聞繡祿在懷  
 撫猶熱不使我見老眼枯况復愁多客心咽商瞿有子晚  
 未妨西河投杖目流血已傷遲暮兼伶仃忍使寧馨重訣  
 絕人家子弟玉樹佳枝欲使森庭階即非二妙有亦好  
 所貴百足相撐排推心洒泣夜不寐念此家門魂屢悸矧  
 當八口缺饘粥待我賣文金却寄長安竒士糞土賤青錢  
 白鏹乞匪易三春囊底無一文世與君平久相棄嗚呼兄  
 弟得無以我為非人歿者暴露存者貧貧猶自可餓則那

恐無九食過三旬如此豈復望生聚三千里外空勞神

周容續集

○丙申閏月晉陽寄懷固菴

朝遵滹沱涯暮宿井陘脊回首指燕關燕關日先沒朝上  
 晉陽樓暮望燕關月作書久莫寄封書還自發寄書莫寄  
 黃金臺黃金既盡徒蒿萊獵犬追兔雙背赤何處一奠昭  
 王杯寄書莫寄擊筑處沾酒不醉客易去往事唯留易水  
 寒易水何嘗遶丹墓寄書莫寄西山雪春後作波流勿絕  
 杜鵑止在江南啼誰護陵傍花似血三段引起寄書莫寄  
 荆州君大篇隻句天下聞結客破家二十載只今瘦馬隨

時人報國寺松雙樹亞。開元父老譚閑暇。市兒過盡生江  
 風。一月幾回步其下。嗟嗟去歲入燕關。雁叫霜天衣袖單。  
 投旅愧人問何事。南裝倉卒多旁看。同病明朝買驢強造  
 謁。撲面塵埃路交窄。右讓雕鞍猶未過。左輪摩膝讓不得。  
 下驢呼僕牽驢行。大宅華門多送迎。紛紛云是貴長者。廷  
 尉丞相將軍名。城南老僧對黃色狐裘貂色紫。上燈下燈  
 竟誰子。相逢垂手點頭偏斜鞭。直入明光裏。我一見之但  
 惆悵。何必是第一故交茫茫戶南向。闈者如帝懶作磨張  
 腮。挺腹形軀壯。冬陰何短歸路遙。獨君倒屣逾久要。出酒  
 坐對燭花落。下堦已白冰花高。燕關五十有一日。半在松

間半君室。尋常減米移。蚨錢雨霰市中炭。增直臘之六日  
 有。晉遊前一夕。半猶我留。出卷索題并索畫。醉深捉筆同  
 乘舟。次晨馬上經君戶。呼君不出知君卧。非深知那得此  
此語蹀躞踏轉蘆溝西。胸中松與君交互。暮宿井陘。脊燕  
 關。月如玦。朝上晉陽樓。汾河水泱泱。三春青草不到堦。夏  
 五燕子空飛來。土沙難著橫梁粉。辛苦與雀爭虛杯。江南  
 白苧吹新澣。今日披裘寒色滿。只看氣候甚參差。驚覺故  
 鄉程更遠。所慰主人情殷勤。尊前時時說及君。囑君頻上  
 慈仁閣。為我遙望大行雲。

方育盛 廣集

○晤光二漢白

未見光生空百愁。既見光生翻百憂。傷心原在契濶外。握手怕問別何由。爾兄患難猶相見。炙艾難禁淚如霰。獨爾參商春復春。直至今日始覲面。多少心事。覲面禮數不遑。不易即提。施愴惶再拜荒堦墀。萬緒欲言反冥默。盡此一哭復何辭。滄桑再變敷天事。此痛君家還其次。尊甫奇冤千古知。當時誰敢陳一字。遙遙箕尾天上騎。死者已矣生者悲。阮籍骨立殉無地。嵇紹有血將奚施。避兵闕作新安客。桃源近益無安宅。繭足携家歸故鄉。堂中孤孀圍中息。故鄉荆棘復未開。誅茅且向浮山隗。流離播遷。逃其淺且近者。已極不堪。負米力盡萱

草淚抱膝歌殘梁父哀。復聞爾兄抱微疴。卽身不病如心何。見爾無殊見爾兄。參差不獨悲。山河爾來旦夕當歸棹。我亦還家事耕釣。尋爾兄弟雪浪崖。痛哭無聲轉長嘯。束得

全首

○河夫嘆

吁嗟乎黃河故道不可問。天心不解人心忿。鐵牛震動金龍飛。龍鼉徙窟分州郡。州郡居人千萬家。青天白屋盡泥沙。城頭竹筏或間出。巢居露宿如棲鴉。爺娘妻子不相保。遑問陌上之桑麻。計無復之惟一哭。捨地呼天謀鞠育。哀哀俱苦鴻雁饑。悔不都飽河魚腹。此時白骨滿河潯。泰山

方音盛

以南皆陸沉割出地界。濤聲如擊馮夷鼓。日影空瞻烏鵲林。含  
冤吞聲無可訴。上司飛檄縣官怒。議發近河丁男十五萬。  
朝夕屏力事堤堰。江淮轉粟豫楚伐。木幽燕秦晉增賦以  
爲度。支獻瓠子不敢歌。宜房不敢怨。携手遠近來。誅茅堤  
上相勞動。一日草土三十箕。百人傳籌千人旗。被驅督責  
如鷄犬。天陰鬼哭聲淒淒。一月課工纔及丈。西風頃刻驚  
新漲。驪山之徒遼陽兒。有生不死歸無望。土俗好鬼廟。門  
啓俎豆日中歌舞始。歌舞亦作悲哀聲。萬口齊祝神歡喜。  
維神有靈助聖明。玄圭告績不日成。漕糧許折荒許蠲。明  
年春田有人耕。曲終秦雅。挽變歸正。

○陳夔行

津門就陸簡行筭甘旨。奉大人旅食。得菜干一罌。封題  
甚固。乃內子于歸之初。學爲旨蓄。藏且十五年矣。慨而  
紀之。

旅食不如家食好。鄉心易動霜風道。一飯九迴千里腸。况  
富觸眼縈懷抱。我奉几杖舟復車。荒村幾日食無魚。裹糧  
爲簡旨畜奉。殘鯖剩脯澀行厨。開罌忽見菜根黑。蒙頭細  
字重封識。詳書方法及歲時。知是閨中阿婦職。阿婦于歸  
已卯年。入門爨下親松烟。未羞羔鯉先羞菜。操作由來清  
白傳。因孝及婦生。平筆整而暇。倏忽歷年十有五。何物不更此菜古。海

濱湖畔幾播遷。誰令破甕存吾土。天識齏鹽勝梁肉。故留  
 素味同嘉穀。樸率不艷羣。盜心寒香合。飽腐儒腹憶昔植。  
 袖雪冰盤采相應。得大家歡辛勤盡。出糟糠手鹽豉將同。  
 梅鼎觀况復今朝行。笥裏蔬果提携甘。且旨絲絲欲酸寒。  
 耶心勞勞應熱深。聞耳吁嗟乎吾家世訓輕。治生經營皆  
 藉壺內成老母十四事。王母煖熒已自親。瓶罌至今持籌  
 四十載。中厨猶率諸婦行。因婦及母。又及母生平。君不見金門乞米  
 臣朔饑萊蕪。甑又白雲司。因母及父及兄。冰衙三代長安冷。輸粟  
 江南仗母慈。又因父兄及母。轉關生。又不見郵筒有書到。昨晚堂上  
 機中俱念遠。狐貉衣來積雪寒。關山夢度層冰蹇。臨封更

記嬌兒言祖父加餐爺強飯。又因母及妻子。吁嗟乎仲淹畫粥宋  
 郊。齏列俎還思蔬食時。珪妻髮鬢梁鴻案。舖糜肯許黃金  
 換。我今昕夕蒲輪歡。尺五天厨赤玉盤。蒯緱羈旅寧足歎。  
 霜根縷縷顏色稿。割豕土苴爭綠繞。蘋蘩誰道路三千一  
 七堪供白髮飽。

○曹子顧雪中見過兼惠以詩深及世誼率此賦答  
 人以天合交始契。天涯蘭牒成兄弟。况當兩世玉堂清。龍  
 采鳳毛翩翾繼。吾翁戊辰列儒臣。若翁龍頭第一人。提携  
 子弟數相過。時人已即擬雷陳。中間請澣各歸里。我籍龍  
 眠君樵李。長者傳鴻少者知。相思惟逐秋江汜。初叙已後極懇切。



來漸長識文章華筆名紛赤幟場轉從聲氣續膠漆江浙  
 二曹同四方其餘幼弟尚嬌穉問字參差鴻雁行璞玉在  
 山珠在浦斗牛夜氣驚風雨丙戌昌期再闢門仲伯賢書  
 君共譜霜風並轡約公車家君展齒同尊甫再叙尤自是極  
 升沉次第分石渠花縣及松芸追隨車笠崎出處敢言軾  
 轍並機雲略一頓挫仲也早君成進士剖符東越官如水金門  
 伯氏讀父書與君同官相遇齒更憶前年季子來隨君射  
 策黃金臺惟予按劍同君弟金玉叢中愧不才落到已身激昂自負  
 氣骨千尋屈指幾年幾地別把酒有懷時耳熱禁城宮樹括蒼  
 雲秦淮明月鴛湖雪二句總鎖只說從茲握手稀巖阿雲樹判

潛飛縱然一聚家庭事那得班荆傍紫微今年天子忽  
 求舊蒲輪有詔凡三覆北海東山卧難堅兩家白髮行先  
 後我奉安車到帝都居止冰衙歡雪厨比隣一枝即君舍  
 相過不苦雪霜途話濶自此得朝夕酒椀詩筒傳絡繹十  
 日飲歡萬里人三更被共五雲客惟詢老伯到何時八月  
 猶傳隔歲詩題書俱約朝天騎便看西山雪後枝更聞令  
 弟亦將杖到各應燥長安上我亦環橋欲上書相期抱槩  
 同酬唱慙切繾綣更無以吾家諸弟卜明年奉母隨兄亦  
 着鞭花磚又共含香署六色衣紛雙佛前更有小咸圍膝  
 下之無梨棗喧晝夜亦同君家玉筍班芝英蘭砌追王謝

餘波君不見太丘朗陵多侍側將軍候門還下食長文文  
若着膝嬌太史已識星間色又不見崔瞻父子令名彰孝  
友堪傳仕族望人號其里德星里帝題其堂德星堂

○呈淮安黃夫子

知已本文章文章筦運數通塞各有時天合人難遇遇合  
奇離疑鬼神洪鑪大造歸陶鑄育也沉淪三十年年年風  
雨一青瑣今年始遇淮安黃夫子拔我樗櫟植我公門使  
與桃李花爭妍懽欣在面心轉苦回憶縷縷爲君數我齡  
三四識之無稍長趨庭共稽古一門兄弟師且友探奇決  
勝誇身手荀龍薛鳳媿虛聲目無堅壘輕三耦壬午一蹶

秋風欺大言早已嘆知希頃篋敢道驚人句桑海兼增閱  
世悲書空咄咄思千里倏忽二年仍如此關門再奏丙戌  
冬副車擊中憤欲死所幸伯仲偕蜚鳴斯文有靈吾道亨  
仲也南宮伯也返提撕諸弟一經橫列坐隨兄惟我長紙  
窗析義爭欣賞戊子賢書阿季登自恨玉郎真天壤參差歷落  
筆舌互用六人讀書售者三我卽布衣老亦甘椿萱棣萼歡無  
恙繞膝寧爲捉鼻談惟是男兒生有志卽言富貴猶其次  
所爭屈首受詩書詩書未報夫何事填膺再掩雪深關對  
佛伊唔牛首山妄言寤寐神應格誰識天闢叫無益辛卯  
又敗心已灰釣竿誓作羊裘客看他點壬午至辛卯如老  
蜻蛚着水輕鬆無迹

父東山奉詔頻豎儒國子適羅賓短驢亦作朝天騎霜雪  
冰衙帝里春有姪與甥才亦可強推臯比教予坐問字無  
徵灌灌誰衝喉欲吐詞還左鐘殘月黑避人哭眾裏自嫌  
身感感拈題稿就不敢書處囊無穎鋒全秃科名未就英雄束手如此  
典安得不重刑安得不嚴此生不信有今日倘然再放應投筆候榜中  
宵身欲僵馬蹄聲較雷聲疾酸辛不禁泣且號萬端齊集  
心煎熬感恩深處腸先斷鼇戴誰言岱嶽高恩在終身且  
勿言眼前一端聊舉論伯兄應秉北闈鑑私裝已脂南歸  
轅兄聞執手苦死留勉將泝爾何輕重滿堂顏色爭飛動石  
萊綵尊前喜復愁青袍渺爾何輕重滿堂顏色爭飛動石

渠白髮潞河船朝食加箸輕飈送快意語難此安雅素門頗不矜

榮貴罔極高標在三義老父常懷中夜慙自言門牆無報  
地矧予小子才駑下師德師名滿華夏撫已何以報師恩  
蘓軾長依六一門無忝所生負所學庶幾草木酬乾坤君  
不見伯樂鹽車焦尾琴至今物色頌高深鎖闈燈火神明  
在萬古難鳴國士心

程封 廣集

○雨中尋武昌沿江一帶諸石刻遂作歌

我聞武昌沿江多怪石踏泥衝雨相尋繹大者學學小堯  
堯類物象形光芒射裴虬怡亭不可見石上有銘當考覈

先舉湮者。然有深情。李莒八分書。未湮以手畫。篆篆痕。圻  
 既入詩。何嘗湮也。文理斷續。讀不全。剔苔剝蘚。辨書格。須臾雨溼。窪尊字。此  
 地相傳。陶侃宅。年久星霜。剝蝕多體。認既真。供賞適徘徊。  
 又得蕪軾題。二三姓字同。遊客永泰元。豐年號在甲乙月。  
 日都明白。雙舉妙中間存疑可知却諸公用意原堅深。鑿  
 石鐫銘勝書冊。其中有石太缺。譌偏傍。點畫細窺。摘密雨  
 如絲潤。石膚得其一。字如得璧。雨最碍遊於斯特入眼俱  
 為唐宋人。令予不見傷胸膈。古人精意無銷沉。摩泮還得  
 神與魄。風雪千年侵石骨。大半模糊真足惜。况兼江漲浸  
 波濤。蛟龍護持堪摸索。直與地天齊。老壽秦皇再出不受

厄。竊笑今人亦解遊。誰者過之留遊迹。嗟予好古生最遲。  
 對此逡巡悲憤積。染毫吮紙漫吟哦。雲冷天昏江路夕。

○從軍行

行次彰德入軍中家姪式  
庠中翰留宿索詩一首

去年戰戰湖南。今年戰戰滇黔。鐵騎初度漳河上。軍聲已  
 撼碧雞尖。颯颯萬隊旌旗匝。千門號令嚴。我來股栗不敢  
 入。健兒都倚金韉立。紛紛彰德城。戰馬十萬匹。兵氣衝黃  
 河。旄頭壓白日。筆芒所注書生長嘯入營中。讀書當讀孫  
 吳策。朝辭西掖暮戎行。紫禁清班新執戟。回首高堂千萬  
 里。據鞍慷慨鬚眉紫。獵火飛傳土獠邊。捷書夜報甘泉裏。  
 君不見諸葛武侯開玉帳。生擒孟獲功何壯。又不見司馬

相如建節行歸朝得拜中郎將

○戊戌秋喜晤心甫于長安邸中放筆作歌

今人賤隸糜比戶矜著述。既無腐遷班固八斗之雄才。又無子雲長卿如椽之巨筆。眼前坐待白日昏胸中時挺孤峰出。長歌大笑論風雅。生平學詩第一宗。格律黃君黃君足千古。勞勞寸心辨得失。斟叵羅剔銀缸。四座且勿喧。聽我品題當代之人物。何李王李不可見。中原才子隔疇昔。衝風破浪起公安。竟陵壇墀誠勁敵。時代相乘各補救。雪霜荆棘開疆域。如何蜉蝣撼大樹。朝攻暮詆無遺力。後人容易毀前人。前人受毀生顏色。予意欲姑舍是謹山詩錄錄今古。

溫厚和平堪作式。

恨未

詩志如成定可觀。書選于南予在。

北詩源毀譽仍互見。十五國風存厥變。天寶靖康吾道衰。

殷頑耿耿懸雷電。長洲雲子才輪困。明詩平論明功臣。掌

和辛勤續手澤。詩娛不忍廢先人。吾家孟陽詩句好。髻髮

稱詩到衰老。虞山前朝舊史才。魯殿靈光真異寶。耦耕堂

中苦較讐甲乙。丙丁非草草。如何列朝詩人千萬家。一人

一傳傳小影。茶陵東陽僅見誇。附和盡闕曹好口。不妨嬉

笑怒罵奴隸臣。僕叱咤一切名宿如泥沙。

列朝詩大槩。皇

士啓禎立意不為搜音調。縱橫兩代堪憑弔。夜深鬼哭掩

卷不敢觀。青燐滿野燒陵廟。伯璣詩慰稱宗匠。交游屠釣

哀淪喪安得幽冥許見通。一帙一人投一壙。于皇懷古意

簡嚴。特有其意耳。非有書也。澹心江左抽牙籤。圍次夕陽腕欲脫。破

碎割裂如膠粘。吾鄉老友曹僧白。別才別調人難及。搜選

明詩數十家。一曰詩蜃一詩螿。恨未曾見。哀哉皇天奪人壽。著

書不成空涕泣。次履審聲集更大。姑山草堂供坐卧。今年

發興走幽燕。汗牛稿本羊車荷。子叙髯淵皆雅健。觀始詩

成魏都憲。涇陽韓子天下才。國門一集徵文獻。長安市上

購求難。琳瑯照耀光膚寸。總論海內選家。不狗不苛。語著分寸。諸君抗志爭

齊楚。誰甘小國同邾莒。我從紙貴過洛陽。伯仲之間見伊

呂。惟有黃君黃君遊覽命風騷。筆削權衡祇自操。七字公知已。

明黜陟儼銓曹。初續以後迄廣選。作者不得專絲毫。維瀆

兮有四誰與東海比。其深維嶽兮有五誰與岱宗比。其高

嗔我何人響寒蟲。敢于齟齬齧臚列序論而喧嘈。我謂

說詩如說兵。君不見韓淮陰。將將多多而勝寡。又不見李

臨淮。堅壁而清野。又不見伏波將軍。矍鑠而上馬。又不見

周亞夫。精騎雲屯。細柳營止。齊步伐不肯假。七年前在廣

陵。城蕭械瓊花。觀裏行柴丈。屋底曾大醉。兩脚失踏污泥

坑。今年都門見如故。謁客常逢闈者怒。大叫壚頭犯夜深。

手持炬火尋歸路。黃君黃君莫嗚悒。沐日浴月扶輪集。

天子好文偶得見。宰相歡呼捧書入。遭逢至此。遠傲調金。羨足慰平生矣。

揚軒新集  
梅磊  
廣集  
匱石室好收藏。嗚乎著書之人。今老矣。出門騎驢頭戴笠。

梅磊 廣集

○冬夜林茂之先輩過宿卽事

土風澆薄古道廢。少年往往凌前輩。三墳五典束不觀。笙歌裘馬紛成隊。可知林翁念年前。景陵石倉相後先。才名愈大身愈困。垂老凍餓長江邊。我恐後人復欺我。談經侍杖常虛左。雞鳴曉起坐匡床。雙手進湯還炙火。正恐化導力薄。

○雨中錢馭少見過小酌遲歸沂公潘江如不至

榴花葵花繞庭砌。江邊新網鱗魚至。佐以櫻筍醪醪香。獨享恐遭造物忌。衝泥恰喜錢生來。顛狂一倒一百杯酒酣。

耳熱故態出。河山舉目悲塵埃。屈指耆舊零落盡。沂公沂公何又病。蒼天碩果自應留。藥餌關心爾我甚。眼前潘老詩最奇。刺促出門明日期。一城斗大難見面。何況千里兵戈馳。我輩關心數人。踪跡。語罷前山雨益惡。池萍欲高花欲落。晚寺鐘聲鴉亂飛。四野林塘煙漠漠。

○邀蔡大美高夢姑食魚膾歌

養人治魚魚跳梁。咄嗟落砧飛雪霜。和脂去骨用力細。釜煙未熟椒蘇香。念邀蔡老同此味。連旬甕頭斷酒漿。解衣欲質春寒峭。四顧徒手空徬徨。不如折簡速蔡老。兼清酒注自携來共嘗。晉人風致。彷彿五柳。比屋高生深飲致。有酌何可無。

其○狂○供○具○雖○荒○七○箸○多○空○盤○相○對○殊○無○妨○憶○昔○金○陵○羊○肉○  
 美○顧○邢○主○客○競○豐○旨○孟貞酷嗜與治家羊肉老饕流咏布  
 人○間○倏○忽○顧○別○邢○又○死○我○輩○懽○笑○須○努○力○倘○然○醒○礙○達○者○  
 恥○明○日○梅○花○溪○上○招○莫○惜○春○泥○沒○展○齒○次日二允招看梅

韓留 石耕經正 宛平人

○夜

出○門○寒○輝○看○向○圓○清○宵○白○雲○多○在○天○歸○人○已○極○四○鄰○靜○老○  
 樹○葉○隕○風○淒○然○背○鎖○燈○光○守○我○屋○坦○步○徐○吟○過○古○渡○長○橋○  
 久○立○人○不○知○月○影○相○隨○自○來○去○清削通章

馬之驢 廣集

○慈仁寺觀松

長○安○寄○旅○愛○深○寺○且○暮○得○結○幽○松○盟○盤○桓○對○玩○共○朋○侶○捉○  
 筆○欲○狀○難○為○名○高○者○閒○放○隨○青○冥○踈○枝○大○節○捐○噐○形○三字抵人  
 篇○卑○者○磅○礪○滿○階○屺○糾○柄○偃○蓋○撐○平○傾○且○前○且○却○行○以○止○  
 或○喜○或○怒○神○而○明○信○有○帝○禹○山○海○經○奇○神○怪○物○森○充○盈○屈○  
 子○離○騷○歌○九○闕○雲○君○山○鬼○紛○中○庭○二書拈得着別構于嫫  
 妃○之○繪○蒼○史○字○萬○歲○遺○跡○瞻○英○靈○我○欲○登○仙○不○假○術○躡○此○  
 一○嘯○當○狝○昇○

范勳 公葵 定興人

○大理石屏風歌



衡陽紫闥屯青雲。迢迢山水惟王孫。海神鞭絕鼉鼉老。太  
 行龍勢徒東奔。錦川斑斕英德瘦。枝峯蔓壑馮金構。烏啼  
 酒醒索登臨。南榮什駿風迴驟。瓊姬相戒露婁清。帑袖褰  
 燈指画屏。画屏的是天公画。五嶽羣兒戲方罨。蟠兮若螺  
 蹲兮虎巨靈。斷處伏螯補澆滸。殊無聲。翁兮意將雨。礫之  
 不皴。空不滅。雪以清泉指以帛。正疑鹿父香。翻空謾道龜  
 遺腥。透尺寫山水移他處不得一萬一千里。西洱葡萄江。  
 鬢鬢十九峯。厥名曰黠蒼。大樹木蓮花。奇苞紫檳榔。碧潭  
 產公魚。上有翡翠翔。陰映無歲月。盤礴疲陰陽。追邇繇生  
 棘工採以時。層層如剥裳。研皮澹墨浮。老骨雄文藏。具笏

拜有司。禹貢此琳瑯。輦送幾牛馬。驛騷遍邨鄉。陸盡登波  
 濤。煙黑颶正黃。鯨睛懸日月。鰲背森旗槍。貿易閔鮫人居  
 停借蜃房。鋪張經歷賽神揚子渡。隔歲炙燈光。蘇州舶未  
 進。先達鬱林航。不翼以飛。不脛走一笏。南山君萬壽。笑乞  
 金張折俸錢。蛾眉濃睡不知憐。

王儻 無竟 膠州人

○泛大明湖待月

城裏見南山。湖如在山下。非身歷輕搖畫舫穿青空。山與  
 湖光相寫。蓮葉田田泛香霧。映以樓臺帶佳樹。夕陽載  
 酒東湖來。酒酣載月西湖去。兩載字迴 盼有情

張翼若 伯玉 山陽人

○淮陰侯釣臺歌

吁嗟乎天意真可疑。韓侯功高三族夷。拒涉拒通矢天日。兵權既去反何爲。家人告變安知實。欲加之罪豈無辭。後賢諒稱不叛劉。紫陽綱目嗣春秋。會陳書執楚王信。繼書后殺淮陰侯。不以反書不去爵。推明心跡闡厥幽。呂氏殘忍亦人族。圖王呂氏生反覆。詎知身死肉未寒。家無少長。勞就戮。志載軼事韓公雍。當年治兵粵西東。粵有洞長諸韋氏。表稱原係韓侯宗。昔當夷族中。尉過竊侯幼子投蕭何。丞相私給漢圖記。渡江寓書越王侗。改封韋氏長諸蠻。

范勳 王備 張璠若

蕭書佗。冊今斑斑。詩史互爲表裏如此。天意從來不可測。天道從來

多好還。君不見漢室江山安在哉。淮陰至今有釣臺。

孫寶侗 仲孺 益都人

○酬家四兄

西風吹雨雨亂墮。客子閉門但愁生。芭蕉欄外葉行凋。鴻鴈天邊鳴正過。入夜蕭條雨轉急。風吹窓櫺溼盡破。司農蚤上紫宸朝。我睡不醒任懶惰。君家奴子寄書來。正倚空堦爛慢卧。竒夢欲起說向君。門外騎馬泥塗大。但把新詩床上吟。妙語驚人不敢和。興起直飜架上書。心忙手拙誰能那。但得菊花開滿眼。飲酒不妨雜亂唾。何須奔走向時

名我輩天生不饑餓。較我輩詩名大彼浮此堅彼夸此朴。作客莫學王仲宣。  
醉來但罵陳驚座。

林子襄

平子  
華亭人

○送顧見山

我策青驪駒。北遊漁陽野。涼飈振閭闔。秋風日瀟灑。時從  
宋玉賦。登高座上濟濟皆賢豪。一郡聲名傾海內。千秋風  
雅屬吾曹。顧侯英邁洵絕倫。神姿矯矯不可馴。開元以還  
誰比數。彷彿建安追先秦。此日論交如夙昔。意氣相傾成  
莫逆。却笑悠悠二十年。躍馬垂竿同逝隙。興來暮別朝還  
到對據胡床不著帽。生綃愛寫五湖圖。碧樹紅泉聊寄傲。

初日芙蓉。鮮潤欲滴。世事蒼黃。何有哉耳。熱旋呼斗酒來。嗟峨眉。山  
若欲倒高談。抵掌馳風雷。人生良會不終聚。忽逐春風等  
飛絮。處州太守五馬行。白門使者雙帆去。宕開得勢。愛君且欲  
君少留。更領河隄沛。上遊鄒嶧煙雲。渺無際。江淮隱隱見  
揚州。憶昨山公初故事。滿朝動色傳名字。萬言發策不猶  
人。翻成棄置。知何意。郎署積薪非一朝。升沉倏忽亦煙飄。  
且將微祿供其旨。未須長往問漁樵。款曲慰勉。吁嗟別離  
當祖宴。握手襄徊兩眷眷。丈夫壯盛勿嗟跼。世態浮雲安  
足羨。南斗闌干參已沒。滿堂綠竹聲欲絕。相約秋風百尺  
樓。共醉昭陽湖上月。

○汾曲歌贈黃薛侯大行

汾水南入西河流。一曲却入古并州。方山遙遙雪霜白。晉  
 祠森森花木幽。使君正月單車到。層冰塞川沙浩浩。使君  
 十月單車回。東風滿路春泉來。按事遣調。雲間僅見。野老扶藜馬前  
 拜。縣官負弩驛門開。受餐歸壁事已久。磊落如君應未有。  
 叔度誰測千頃波。方朔但傾一石酒。東盡恒山燕晉分。廻  
 看大谷出晴雲。下車便揖高陽侶。避世還遊金馬門。

黃蓮泰

開平 蕭山人

○歌風臺行

兒。割。羊。婦。酤。酒。長。安。天。子。君。知。不。南。市。同。醉。眠。北。巷。看。屠。

狗。只。今。相。見。何。崔。嵬。十。年。別。去。還。歸。來。馬。蹄。踏。平。芒。礪。山。  
 旌。旗。十。丈。殷。天。關。夥。順。季。之。為。帝。沉。沉。者。昧。死。諦。視。猶。是。  
 當。年。隆。準。顏。父。老。且。莫。驚。聽。我。遊。子。吟。慷。慨。未。終。曲。淚。落。  
 沾。衣。襟。君。不。見。韓。信。如。龍。黥。布。如。虎。千。鈞。弩。發。無。遺。力。地。  
 下。豈。知。天。上。苦。永。夜。飡。茶。不。得。眠。懷。中。空。擁。邯。鄲。女。少。年。  
 誤。歎。秦。始。皇。阿。房。未。央。趾。相。望。絃。上。有。矢。那。可。遏。以。鐵。鑄。  
 室。難。周。防。沛。兮。沛。兮。我。心。傷。磊落鑽屑中懷推挫不堪語人扼要書卷之外。

凌象

木道 通州人

○甲戌迎春日寒甚呵筆成歌

土牛僵如新卧起。鼓吹喧填聽欲止。嚴城烈烈去何遲。長

風○颼○瑟○聲○聒○耳○人○滿○衢○路○立○日○光○避○風○不○以○為○春○陽○強詞  
且○歸○閉○門○待○春○至○剪○綵○徒○爾○作○春○事○我○日○此○寒○春○所○為○將  
欲○廢○之○必○與○之○閉○藏○矧○乃○專○榮○原○鳴○乎○繹○思○霜○雪○恩○推見

米漢雯 紫來宛平人

○送徐次履還宣城

弱○齡○事○章○句○編○紵○慕○疇○昔○思○與○賢○豪○人○盟○心○矢○金○石○江○南  
今○日○有○徐○子○籍○甚○詩○名○推○正○始○到○來○為○結○忘○年○交○魏○都○高  
宴○差○堪○擬○每○逢○予○唱○必○和○歌○蕭○寺○空○齋○取○次○過○登○高○共○艸  
銀○鏤○管○遙○夜○同○傾○金○叵○羅○三○時○去○我○如○過○翼○世○事○悠○悠○那  
終○極○酒○酣○擊○筑○呼○嗚○嗚○搔○首○問○天○長○太○息○素○心○自○分○久○為

羣○促○膝○披○襟○細○論○文○囊○中○瓊○玖○投○將○遍○君○言○歸○卧○姑○山○雲  
姑○山○良○鬼○勢○無○敵○四○時○蒼○翠○常○如○滴○謝○眺○青○山○俯○碧○湍○謫  
仙○樓○閣○臨○丹○壁○知○君○卜○築○枕○通○川○松○竹○盤○紆○薜○荔○連○長○風  
客○客○朝○舒○嘯○皎○月○清○溪○夜○扣○舷○自○是○此○鄉○饒○足○樂○留○君○不  
任○懷○殊○惡○灞○上○長○條○慘○客○裝○草○堂○梁○月○愁○羅○幕續紛掩撥  
驚○人○句○為○寄○長○安○諸○舊○遊情倍於詞

賈國璵 非磻新安人

○酌突泉

歷○下○名○泉○異○懸○瀑○傳○說○源○頭○發○王○屋○竅○伏○難○容○鬼○鑿○工○疑

米漢雲 賈國興 許旭

是坤靈露鼇目瀉入平湖不記年酒家汲去嘗新麴仙人  
跌坐醉眸開亭亭毒毒知誰蓄映月翻翻三白鶴聲似松  
風落深谷就中幻杳莫強猜出地輕清光噴珠委流支派  
繞長濠荇藻波中浮野鷺賢愚今昔共徘徊低吸長流能  
幾斛狂來欲蹴泰山填逝者如斯去何速百川走下性所  
之此非搏激躍而蠹和松雪韻山舒嘯樓前悔復明痴人  
只夢黃梁熟直如洪悠然對此悟玄機可咲枯魚愁海覆  
鑪點雪

許旭 九日 太倉人

送別林衡者歸閩

君來遠度仙霞嶺嶺上夜猿啼絕頂當時矛戟拒千人君

今一僕行隨身君初到此共驚怪云是閩中更嶺外疆土  
雖通五六年風塵戰鬪猶南界陡然作勢我一見君雄颯

颯奇材劍客縱橫儔昂藏意氣寡言笑虎頭安識非封侯

君言我生愛游學千里名山恣芒屨周鼎相傳淪泗濱漢  
書久已垂牛角吾鄉宋時鄭夫子草堂著書貫經史即如

近代黃先生節義文章滿人耳走雖不敏恥寡獲著論近  
亦高一尺願遊四海質吾友崎嶇敢憚疲筋骨我聞君言

嘆奇絕三千里路來甌越戰鼓猶騰海上軍探書早入龍  
威穴相逢傾蓋話杯酒慨慷謬許平生友一月綢繆數見

過翩翩鴻鴈嗟分手臨行相索贈行詩我賦三篇君序之

風塵憔悴亂離濶。努力聲名且待時。長篇婉轉流麗。絕似其師梅村。

王昊 惟夏 太倉人

○兵船行

陣雲壓城城日白。羽檄分馳騎充斥。颶風昨夜起。鮫宮鬪  
艦千羣歸不得。憶昔軍興催造船。吳民髓竭無金錢。刺史  
流汗縣令哭。老農含血遭笞鞭。一朝連烽迷海道。帆檣如  
山倏然倒。旗鼓虛張楊。僕營矇矓已入田。橫島沙溪十里  
飛黃埃。人家門戶晝不開。橫刀躍馬滿街市。海船方去官  
軍來。君不見軍中健兒不羞走。盡是幽并好身手。十村九  
村無人煙。不掃鯨鯢掃雞狗。蒼辣跳蕩。隨手拈來。風骨  
滿紙。惟工部集中有之。

王嗣槐 仲昭 錢塘人

○寓河北西軒擬子美同谷七歌

女○兄○四○人○本○同○產○三○人○天○折○腸○妻○斷○惟○留○一○姊○東○海○隅○所○  
天○蚤○隕○胡○屯○寒○膝○下○兩○兒○手○授○書○室○中○二○女○自○裝○遣○不○怨○  
風○霜○辛○苦○多○俛○首○泉○臺○悲○宛○轉。予所錄七歌不一。桓山有  
總由情生。自不膚。鳥東西飛十年長望淚滿眼。嗚呼四歌兮心惻惻。我歸養  
姊知何日。

○又

與子結髮為夫妻。事我端靜無違時。家貧有菽嗟鮮飽。抱  
哺一一蒸乾藜。顧笑階前蓬頭兒。丈夫何為悲牛衣。出門

牽裳前致辭。努力自愛毋差池。廿年執爨甘薄糜。竹梢猶掛五兩絲。後嗚呼五歌兮歌已傷。西軒月落如流霜。

陳晉明

康侯 仁和人

○壽黃劬庵尊人八十

當日孝廉處全盛。馬背青袍色相映。先兄同舉聲氣齊。相好何曾論異姓。家人亦各忘主賓。設席共邀堂上親。華顛皓鬢十餘老。四壁照耀光如銀。我家大人樂歡晏。為文序之略已遍。形容意態各各分。至今讀之恍如見。生情處有根有葉就中黃翁神最清。見如謾謾松風生。只言老計决蓬蓽。豈屑曲意逢公卿。昔我大人寡同調。少所許可多所譙。同時

諸老最往還。每說黃翁開口笑。近來零落多離居。青鞵布襪來徐徐。後生未敢往唐突。多年不到楊雄廬。劉家老翁壽七十。我往稱觴草衣入。此老彷彿魯靈光。翁也今年八旬及。援入劉翁不是題外波瀾全因篤誼春風吹雨草痕溼。天明門外馬啼集。泥塗蹇蹇還到門。捉襟再拜不能急。我來見翁如我翁。更拜令子先兄同。庭尉高門至今盛。內史下車猶古風。起身洗手上翁爵。往事迴看正如昨。街東劉翁亦矍鑠。何不迎來共春酌。又廻盼何等纏綿

陳維崧

廣集

○報恩寺塔燈歌

中秋後九日宿輿父先生寓樓屬為此歌同務旃王孫賦



青溪四百八十寺。我朝往往說報恩。其中九級窳堵波。金碧璀璨愁攀援。花燈供養龍象地。錯以八寶迷朝殿。皎如翠纈鎖子骨。瑩若月落黃金盆。蓮花雞踏光細碎。桂樹兔走煙騰翻。我來報恩寺。醉作塔燈歌。不知長干誰大小。但見星橋銀漢相嗟峨。老眼模糊記還錯。回頭悞認臨春閣。閣上粧成張麗華。銅鳥不轉龍膏滹。百子金荷宛轉舒。九華寶穗霏微落。忽然疑作鳴珂遊。絳紗紅蠟高於丘。壓角幡分龍子樣。臨風幔捲露華柔。二十四枝金麥炬。一一炷徹安東侯。悄然不語頭爲白。又疑燭到諸王宅。車騎朝回火似雲。名倡酒後笙堪炙。層層幻作不夜城。片片飛來胡

地帛。阿奴火攻詎便奇。王家熾鳳那足惜。不得幾錯萬斛才華何處銷繳

以心問口口不應。須臾千門萬戶寒澄澄。乃知向來所料

真大謬。此是優曇花上光明燈。此燈不炷華堂鼓。此燈不

炷前溪舞。炷來碧海盡紅塵。炷罷朱顏悉黃土。我聞龍歸

海藏字生金。又聞石傍花壇日方午。世間異事奈何許。惟

有空王願力相撐拄。畧宕君不見捨身同泰竟。茫然太子

乃坐名僧筵。事急但拜蔣侯廟。賊至巧學盧循仙。沙門每

咏碧雲句。道人闌走朱門前。君王笑看學士黛。狎客醉答

宮娥箋。一朝獵火滿天至。金牀玉几不得眠。豈惟宮殿無

顏色。如來十載香燈黑。半夜金釐泣向人。累朝玉燭悲何

極。忽攪入無數與亡。急。幾年江左又昇平。幾度摩尼耀水

晶。梵王不管興亡事。重見珠幢湧化城。香林臺畔空秋月。

散作塔燈燈不歇。下有胡雛七寶刀。舞遍銅駝滿街滑風

趨。夜壑冷魚燈。霜弄邊聲傷馬骨。此時少婦彈箜篌。此時

別部翻回紇。箜篌回紇作復停。誰何四顧燈熒熒。縱筆橫

矣。憐爾啼完白項苦幽咽。唱徹黃督聞妻馨。少手拍手燈

前立。往事無言暗鳴。邑憶昔黃旗南渡時。匿跡寺門潛出

入南唐。天子縷金鞋。陸孔行游白鼻騮。三閣爭函三竺偈。

八王競設八關齋。會號無遮通大內。歡稱寺主任秦淮。賜

來淨饌厨還繼。譯出潮音韻每諧。百丈交竿翔火鳳。十千

普照施金釵。燃犀編貝燈光直。飽飯開黎看亦得。薪火雖

從賢聖傳琉璃。終藉君王力。得此一收。南唐下俱受燈。只

今物換塔空懸。塔上朝朝佛火燃。蠟到空門應少淚。鏡飛

天上只長圓。我歌欲盡誰為傳。歌聲燈影如相憐。聽打霜

鐘一百八。燈光猶掛鳳城前。

顧景文 景行 無錫人

○友人以明妃夢長歌見示率爾答之

君歌長我歌短。傲睨勸君莫唱明妃辭。使我秋心不能暖。

皓齒青蛾自可悲。漢地冰天兩不宜。閨中壺口黑河沉沉

已千載。恨血豈有還鄉期。金陵女子幽思結。翻作離魂夢

中入原倡為十長夜漫漫何處歸東方欲曙嗟奚及錢郎

七尺好鬚眉把筆猶然覺後疑十幅蠻箋愁萬疊看來絕

勝李陵碑諺云癡人前不可說夢此題累牘何

吳南岳五巖 武進人

○織婦嘆

妾命薄夙暮勤力作嫁時有衣不得着悲此語績麻成泉碎

棉為絡三日上機五日落寒暑織來無間閣先姑裳再阿

女阿女得衣笑且語雀躍難自持問姑知未知小兒女道

是阿母昨朝機上手中緯姑言此女長大不如爹娘癡人

口語姑得樂妾何苦量餘一丈尺有五留貯笥中好作禱

明朝恰恰無晨炊

宋思玉楚鴻 華亭人

○鳥生八九子

鳥生八九子八九子弱羽未能飛嗷嗷方待哺慈鳥相伴

栖雨老鳥飛在高牆西晝夜餵飼搏食供飢朝出而暮宿

集場以啄粟君不見鴻雁北風翔為謀及稻梁揚羽何蕭

肅還思稷黍嘗先點二鳥 筆即停骨肉藉羽毛流連何日已徘徊

修舊巢飄搖患風雨奮飛不復來又將無處所誰能忘昔

日慤勤報反哺兩老鳥哀鳴長悲號呼雛且樂居鴟梟在

牖外母子難相顧君不見紫燕傍雕梁呢喃猶對語鴻鵠

待交雲弋者方無慕。鷓鴣栖枋榆，網羅尚可慮。中又點三鳥。  
却用君不見起與前。凍雲千里霜雪寒，老鳥號泣思舊侶。  
欲接不接，遙相呼應。繞樹三匝無所依，願與晨風借一枝。

釋函可續集

○大僧行

大僧結束何新鮮。錦裁窄袖黑貂緣。出門三禮釋尊前。  
翻身上馬揮金鞭。玉作刀頭絨作鞵。疾如飛鳥輕如煙。自言  
五上長安道。目視漢官如虱蚤。歸來依舊守空門。獨立阜

邊添馬草。行逕大奇

釋僧依庸子南菴宿遷人

○楷生秋擬南歸過予逃夫湖上而止

湖畔兩人月與水為魄。為魂合端委。喜其清氣婉氣湫聲

冥風不知安得故人坐。思此故人飛至似秋山。隱笑流煙

落葉間。落葉流煙不得止。誰持水月報妻子。

○述嘲頃旅湖側世之君子譏即次于寥邈詮序高談恭有訓答誦其意令童子既

萬頃荒原狼與汝。漁舟偶亦為風阻。三四貧農十里隣。脚

老瘡痂面帶瘋。聞君不過杖笠身。睡必苟牀春苟杵。縱有

主人才且賢。一回相見隔寒暑。庭前種樹風益多。芟荷菱

失不及黍。字字朝諷字字表自意頗不恭丈夫有道未高身。慚愧頭顱與

臂。臂湖夜月明。人不見。唧唧新詩學蟲語。

王端淑

玉映諸生丁聖肇配  
山陰人

苦難行

甲申以前民庶豐憶吾猶在花錦叢  
 鶯囀簾櫳日影橫慵  
 粧倦起香幃中一自西陵渡兵馬  
 書史飄零千金捨髻髻  
 蓬鬆青素裳悞逐宗兄走村埜  
 武寧軍令甚嚴肅部兵不  
 許民家宿此際余心萬斛愁江風  
 括面焉敢哭令嚴如此  
不嚴且若  
 何半夜江潮若電入呼兒不醒勢  
 偏急宿在沙灘水汲身  
 輕紗衣袂層層溼聽傳軍令束隊  
 行冷露薄身雞未鳴是  
 此長隨不知止馬嘶疑為畫角聲  
 汗下成斑淚如血蒼天  
 困人梁河竭病質何堪受此情  
 鞋跟踏綻肌膚裂定海波

濤轟巨雷貪生至此念已灰思親  
 猶在心似焚願餐鋒刃  
 身死回步步心驚天將暮敗舟錯  
 打姜家渡行資遇劫食  
 不敷悽風泣雨悲前路事蹟不一  
地處屢移有點有  
隱有包括有斷制筆雄節峭暗喜  
 生從矢上歸抱赧羞顏何所倚墻  
 延蔓艸扉半開吾姊出  
 家老父死骨肉自此情意踈僑寓  
 暫且池東居幸得詩書  
 潤茅屋僻徑無求顯者車哇來梨  
 雨幽窗酒暮借殘星補  
 破瓦偶聽雲聲送落鴻哀其悽惻  
 如我同續集黃皆令長  
篇與此不相上  
 下生瑜生亮乃在紅粉  
 我輩那得尚不閣筆

扶輪新集第七卷終

物類彙編

王端淑

卷

